

四庫全書

集部

欽定四庫全書

集部

李義山文集箋註卷二

詳校官監察御史臣查瑩

檢討臣何思鈞覆勘

總校官檢討臣何思鈞

校對官中書臣宋枋遠

謄錄監生臣金堯茵

欽定四庫全書

集部二

李義山文集箋注

別集類一唐

提要

臣等謹案李義山文集箋注十卷

國朝徐樹穀箋徐炯注樹穀字藝初康熙乙丑

進士官至山東道監察御史炯字章仲康熙

壬戌進士官至直隸巡道皆崑山人考舊唐

書李商隱傳稱有表狀集四十卷新唐書藝

文志稱李商隱樊南甲集二十卷乙集二十卷玉溪生詩三卷文賦一卷宋史藝文志稱李商隱文集八卷四六甲乙集四十卷別集二十卷詩集三卷今惟詩集三卷傳文集皆佚

國初吳江朱鶴齡始裒輯諸書編為五卷而闕其狀之一體康熙庚午炯典試福建得其本于林佶採摭文苑英華所載諸狀補之又補

入重陽亭銘一篇是為今本鶴齡原本雖畧
為詮釋而多所踈漏蓋猶未竟之稿樹穀因
博考史籍證驗時事以為之箋炯復徵其典
故訓詁以為之注其中上崔華州書一篇樹
穀斷其非商隱作近時桐鄉馮浩注本則辨
此書為開成二年春初作崔華州乃崔龜從
非崔戎故賈相國乃賈餗非賈耽崔宣州乃
崔鄴非崔羣引據唐書紀傳證樹穀之誤疑

又重陽亭銘一篇炯據全蜀藝文志採入馮
浩注本則辨其碑末結銜又鄉貫皆可疑知
為舊碑漫漶楊慎偽補足之援慎偽補樊敏
柳敏二碑證炯之誤信又據成都文類採入
為河東公上西川相國京兆公書一篇及逸
句九條皆足補正此本之踈漏然上京兆公
書乃案牘之文本無可取逸句尤無闕宏旨
故仍以此本著于錄焉乾隆四十六年十月

恭校上

總纂官

臣

紀昀

臣

陸錫熊

臣

孫士毅

總

校

官

臣

陸費墀

欽定四庫全書

欽定四庫全書
提要

欽定四庫全書

李義山文集箋註卷一

監察御史徐樹穀箋

山東提學僉事徐炯註

表上

為汝南公華州賀赦表

箋舊書周墀傳墀字德升汝南人長慶二年擢進士

第開成四年拜中書舍人內職如故武宗即位
出為華州刺史鎮國軍潼關防禦等使武宗紀
會昌元年正月壬寅朔庚戌有事於郊廟禮畢
御丹鳳樓大赦改元新書地理志華州領縣三

鄭華陰下邳百官志下之達上其制有六一曰表二曰狀三曰牋四曰啓五曰辭六曰牒

臣某言伏奉正月九日制書

是月壬寅朔越九日為庚戌

南郊禮畢

改元為某大赦天下者

王應麟玉海秦并諸侯曰大赦天下由漢以來或即位建儲改

元立后皆有大赦遂為常制

奉郊禮以定天位

周禮大宗伯以禮祀祀昊天上帝周語精

意以享曰禋漢郊祀志兆於南郊所以定天位也

新歷象以授人時

書歷象日月星辰敬

授人

乾健離明震動兌悅

見易彖傳

跂行喙息

漢匈奴傳跂行喙息蠕動

之類師古曰跂行凡有足而行者喙息凡以口出氣者

罔不慶幸臣某

中賀臣聞

欽

一作非

昊天而旅上帝者

書欽若昊天周禮掌次大旅上帝注祭天於圜丘

聖

人集作之重事覃殊休而發大號者易渙汗哲后之弘其大號

猷故必致四圭以達誠周禮典瑞四圭有邸以祀天注夏正郊天也制六器

而申敬周禮大宗伯以玉作六器以禮天地四方將崇嚴配孝經嚴父莫大于配天必

在元句元句即元日禮記孟春之月天子乃以元日祈穀于上帝注謂以上辛郊祭天也晉郊祀歌歷

元句集先之以蒼璧騂牲周禮大宗伯以蒼璧禮天禮記郊特牲曰牲用騂尚赤也

用犢貴重之以雲門大呂周禮大司樂乃奏黃鍾歌大呂舞雲門以祀天神乃

後王猶有關於薦敬禮記祭義曰其爽彼告虔堂隆疏薦之也敬以欲

曰所以昭事上帝告虔報施也周官三代之文書序武王既代殷命滅淮夷還歸豐作周官

絕而不續漢氏萬靈之位

漢郊祀志黃帝接萬靈失而明庭明庭者甘泉也

莫尋豈若皇帝陛下以大道遂羣生

曹植詩苞育此羣生禮記大道之行

也

以至公臨寶祚

陰符經天之至私用之至公北齊元會大饗歌寶祚眇無疆

上包

玄象

周禮考工記天謂之玄易在天成象南史周弘正博物知玄象善占候

下總皇祇

延

之序皇祇發生之始

黜幽陟明

書三考黜陟幽明

興廢繼絕

見中

靈芝甘

露鄙之而不告史官

漢書武帝紀元封二年甘泉宮內中產芝九莖連葉作芝房之歌宣

帝紀元康元年甘露降未央宮神爵二年鳳皇甘露降集京師

赤鴈白麟陋之而不編

瑞牒

漢武帝紀太始三年二月行幸東海獲赤鴈作朱鴈之歌元符元年冬十月行幸雍祀五畤獲白麟

作白麟之歌班固兩都賦序武帝之世衆庶說豫福應
尤盛白麟赤鴈芝房寶鼎之歌薦於郊廟神爵五鳳甘
露黃龍之瑞以為年紀後漢光武紀羣臣奏言天下清
寧靈物仍降宜令太史撰集以傳來世帝不納常自謙
無德每郡國所上輒抑而不當故史官罕得紀焉然後因孟月一作春非周庚

之月陽卜上辛禮記郊之用辛也周之始郊日以至春

祭漢禮樂志正月上率於國南禮記兆於南郊就陽位

壇名泰壇在式是歲首後漢范升傳奏記曰方且天以

陛下為子故必饗明誠人以陛下為天故必流睿澤踰

千越萬漢郊祀志黃帝萬諸侯邁五登三漢司馬相如

登何則取集作直言之科漢武帝紀建元元年詔舉賢良方正直言極諫之士則

聽輿論者不足算左傳聽輿人之誦楚語輿人誦注輿衆也設宥過之令宥書

過無大刑則除鄉議者未可儔左傳鄭人游於鄉校以議執政然明謂子產毀

鄉校如何子產曰何為夫人朝夕退而游焉以議執政之善否其所惡者吾則改之是吾師也若之何毀之

延賞推恩書賞延於世漢諸侯王表武帝施主父之策下推恩之令用以勸禦災捍

患之士禮記能禦大災則祀之減租退責漢惠帝紀帝即位減田租復十

五稅一退責即已將以矜火耕水耨之人漢武帝紀詔曰江南之地

大耕水耨應劭曰燒草下水種稻草與稻並生高七八寸因悉芟去復下水灌之草死獨稻長所謂火耕水耨

養庶老頒淖糜暖帛之資

禮記月令仲秋養衰老授几杖行糜粥飲食玉制有虞氏

養國老於上庠養庶老於下庠又七十非帛不暖漢文帝紀吏粟當受鬻者師古曰鬻淖糜也走羣望

潔剝牲瘞幣之禮

左傳韓宣子曰並走羣望注晉所望祀山川皆走往祈禱書望于山川周

禮大宗伯以血祭祭五嶽以貍沈祭山林川澤又按人將事四海山川飾黃駒素鯉即瘞幣黃駒則其所沈之

牡也肆師職云次祀用牲幣小祀用牲鄭康成以嶽瀆為次祀山川為小祀

古不覩者復覩

古不聞者復聞萬蟄蘇而六幽盡開

禮記樂記曰蟄蟲昭蘇班固典引光

被六幽注天地四方也

五刃藏而九土咸闢

齊語定三革隱五刃注定莫也隱藏也三

革甲冑盾也五刃刀劍矛戟矢也魯語共工氏子曰后土能平九土注九州之土也

臣當時集軍

州官吏等丁寧告示訖

漢谷永傳以丁寧陛下師況臣古曰丁寧謂再三告示也

嘗備論思獲叨侍從

兩都賦序武宣之世言語侍從之臣若司馬相如虞丘壽王東方朔

枚舉王褒劉向之屬朝夕論思日月獻納

當時仙禁慙視草以無能

漢淮南王傳武

帝每為報書及賜常召司馬相等視草乃遣案本傳墀能為古文有史才文宗重之歷集賢學士起居舍人知制誥充翰林學士拜中書舍人皆內職也故有此語此日泰壇望給薪而靡及

禮記祭法燔柴於泰壇祭天也瘞理於泰折祭地也月令季冬之月乃命四監收秩薪柴以共郊廟及百祀之薪燎周禮委人以式灋共祭祀之薪蒸木材徘徊甸服跼蹐闕城

史記呂產入未央宮

殿門弗得入徘徊往來書五百里甸服詩謂天蓋高不敢不局謂地蓋厚不敢不踏陸機表跼天踏地若無所

客案旬服闕城皆謂華州關潼關也今華州華陰縣東一里為潼關衛衛東南四里有潼關故城古桃林之塞即此所謂雖有慶於文明易見龍在田竟無階於奔走闕城也

書邦甸侯衛駿司馬談闕陪盛禮沒齒難忘史記自序是歲天子

始建漢家之封而太史公留滯周南不得與從事故發憤且卒業此太史公者遠稱其父談也與贊者太史公同蕭望之願立本朝馳魂莫及漢蕭望之傳望之為平原太守雅意在本朝遠
為郡守內不自得無任忤舞結戀之至潘岳藉田賦觀者莫不忤舞乎康衢

為京兆公陝州賀南郊赦表箋篇首云伏奉正月九日制書郊裡禮畢

改元大赦是即會昌元年正月庚戌之事也前為華州刺史作此為陝州刺史作耳京兆公不

知何人據本集有為河東公謝相國京兆公啓
又有為柳珪謝京兆公啓又有獻相國京兆公
啓所謂京兆公者杜悰也悰杜佑之孫唐書附
見佑傳舊史公太和六年由司農卿轉京兆尹
新史云太和初由澧州刺史召為京兆尹並不
言為陝州刺史中間歷藩鎮間成初入為工部
尚書三年改戶部兼判度支會昌初為淮南節
度使踰年入相此上賀表者當亦是杜悰而史
無出守陝州之事人或疑之余案自後魏太和
中定四海望族譜牒始以郡表姓故唐人有某
公某公之稱皆以郡望冠之所謂言劉必出彭
城言李必出隴西者也義山集中稱汝南公者
六皆周墀稱安平公者七皆崔戎稱滎陽公者
十一皆鄭亞稱河東公者四皆柳仲郢稱濮陽
公者八皆王茂元今稱京兆公者四其三的為
杜悰而此京兆公獨為他人名稱無別恐不應

蒙混至此竊意開成之末文宗晏駕其舊臣多
被斥逐如宰相楊嗣復出為潭州刺史李珣為
桂州刺史御史中丞裴夷直為杭州刺史而周
珙亦以中書舍人出守華州諸臣紛紛去國悵
於此時亦或由戶部尚書出為陝州史傳於戶
部之後淮南之前偶失此一遷耳或謂悵嘗尹
京兆而以其官稱之非也舊書地理志陝州屬
河南道廣德元年車駕幸陝州以為大都督府
領縣七陝峽石靈寶
為城平陸安邑夏

臣某言臣伏奉正月九日制書郊裡禮畢改元為某大

赦天下者既事虞郊

書舜典肆類于上帝禮記祭法有虞氏禘黃帝而郊嚳

復新

堯歷

書堯典歷象日月星辰

天潢瀉潤

史記天官書西宮咸池曰天五潢張衡思立賦垂天

漢之汎汎兮浮雲漢之湯湯

日觀揚暉

應劭漢官儀泰山東南巖名日觀日觀者雞一鳴時見日

始欲出長三大所

普天率土

見詩

罔不慶幸臣集

中賀

臣聞君人

之孝莫大於尊祖

詩序生民尊祖也后稷生於姜嫄文武之功起於后稷故推以配天焉

王者之敬孰踰於事天故必用因高之儀

禮記禮器曰為高必因丘

陵注謂冬至祭天於圜丘之上也隋牛弘郊祀歌辭因高盡敬掃地推誠

申嚴配之禮

見上表

百神

集有攸字

序萬靈昭

集有蘇字

乃可覃殊恩渙大號禮成而

德備惠敷而慶弘然而秦尚武功

戰國策魯仲連曰彼秦者棄禮義而尚首

功也先祈禳之事

漢郊祀志秦并天下令祠官各以歲時奉祠唯雍四時上帝為尊春以為

歲祠禱因泮凍秋涸凍冬賽祠業雍四時謂廊
時吳陽武時好時密時皆在雍所以郊上帝也故柴燎

蕭鄉未必饗

禮記祭義燔燎醴鄉見以蕭光以報氣也郊特牲既奠然後燔蕭合醴鄉詳見前

漢稱文物

左傳文物以紀之聲明以發之

重神仙之道

漢書武帝紀元鼎五年立泰畤

于甘泉天子親郊見禮樂志武帝定郊祀之禮祠太一
於甘泉就乾位也乃立樂府以正月上辛用事甘泉園
丘昏祠至明案甘泉太一祠壇武帝用故雲門太簇未
方士公孫卿立之故曰重神仙之道

必和

周禮大司樂圜鍾為宮黃鍾為角太簇為徵姑洗為羽雲門之舞冬日至於地上之園丘奏之既

不講於禮官

漢武帝紀元朔五年詔令禮官勸學講議洽聞舉遺興禮揚雄劇秦美新禮官博士

卷其舌
而不談

終致譏於儒者

漢郊祀志元帝好儒貢禹韋玄成匡衡等相繼為公卿成帝初

即位衡奏言甘泉泰畤河東后土之祠宜徙置長安下
羣臣議博士師丹等五十人以為甘泉河東之祠非神
靈所饗宜徙就正陽大陰之處達俗復古循聖制定天位從之伏惟皇帝陛下與春生

育

班固答賓戲其君天下也養之如春

並日照臨

書惟我文考若日月之照臨

究三代

之質文酌百王之損益定午位

庚信周祀員丘歌丙午封壇肅且圜

卜上

辛潔齊之誠

易齊也者言萬物之潔齊也

先掃除而遐達

禮記至敬不壇掃地

而孝思之志

詩永言孝思

協氣臭以升聞

禮記至敬不饗味而貴達氣也書玄

德升然後推作解之恩

易雷雨作解君子以赦過宥罪

降惟新之令

書舊

染汙俗咸與惟新

設科以招諫諍

新書選舉志制舉有賢良方正直言極諫科

宥過

以務哀矜

書皇帝哀矜庶幾之不辜

已責既恤於三農

左傳晉悼公即位施舍已

責注施恩惠舍勞役止通責周禮三農生九穀

錄勲無遺於十代

左傳范宣子因叔向祁奚

曰社稷之固也猶將十世省之以勸能者

頒粟帛而養耆老

漢文帝紀有司請八十已上月

賜米肉酒九十已上加帛絮長吏閱視丞若尉致

走牲幣而遍山川

見為汝南公表舉

皇王之廢官盡古今之能事臣當時集軍州官吏丁寧

告示訖沉臣嘗奉恩光

江淹雜體詩宵人重恩光

叨居華顯當太史

撰日之際

周禮大史職曰大祭祀與執事卜日曹大家東征賦時孟春之吉日今撰良辰而將行善

曰鄭玄禮記注云撰猶擇也

猶立漢庭

漢陸賈傳賈以此游漢庭公卿間

及宗伯相

儀之時

周禮大宗伯凡祀大神享大鬼祭大示詔相王之典禮

已辭魏闕

周禮縣治象之

瀟于象魏注闕也莊子魏牟身在江海之上心居魏闕之下

怙悵郡印

漢朱買臣傳視其印會稽

太守徘徊使車

漢蕭育傳以三公使車載育入殿中受策

徒深傾藿之誠

曹植

表若葵藿之傾葉太陽雖為之迴光終向之者誠也

實積懸瓠之嘆

詩瓠有苦葉傳瓠謂

之瓠瓠葉苦不可食也疏陸璣云瓠葉少時可為羹又可淹煮極美八月中堅強不可食故云苦葉瓠瓠一也故云謂之瓠王粲登樓賦懼瓠瓜之徒懸兮畏井渫之不食翰曰瓠瓜為物繁而不食者也仲宣自喻

召

公邑內敢思棠樹以追蹤

詩序甘棠美召公也箋召公聽男女之訟不重煩勞百姓

止舍甘棠之下而聽斷焉國人思其人敬其樹春秋公羊傳自陝而東周公主之自陝而西召公主之注今弘

農陝縣

尹喜宅中惟望靈符之復出

舊書天寶元年陳王府參軍田同秀上言

玄元皇帝降見於丹鳳門之通衢告賜靈符在尹喜之故宅上遣使就函谷故關尹臺西發得之地理志靈寶本桃林縣以掘得寶符改名臣不勝慶幸踴躍之至

為汝南公以妖星見賀德音表

舊書武宗紀會昌元年十一月丁

酉朔壬寅夜大星東北流其光燭地有聲如雷山崩石隕其彗起於室凡五十六日而滅新書武宗紀會昌元年十一月壬寅有彗星出於營室辛亥避正殿減膳理囚罷興作天文志十一月壬寅有彗星于北落師門在營室入紫宮徐堅初學記妖星曰孛星彗星玉海大赦者不以罪大小皆原其或其處有災或車駕行幸則曰赦某郡已下謂之曲赦復有遞減其罪謂之德

音者比曲赦則恩及天下比大赦則罪不盡除
案漢天文志天鼓有音如雷非雷音在地而下
及地其所住者兵發其下天狗狀如大流星有
聲其下止地類狗所墜及望之如火光炎炎中
天千里破軍殺將舊書所謂大星東北流
其光燭地有聲如雷者蓋即天狗之類

臣某言臣伏奉某月日德音以妖星謫見思答天戒者

臣當時集軍州官吏丁寧宣示訖仁深覆載恩極照臨

究祖宗之令圖

左傳女叔齊曰
令圖天所贊也

極皇王之盛事

詩皇王
維辟

圓首方足

大戴禮記曾子曰天之所生上首地之所生
下首上首之謂圓下首之謂方注人首員足

方莊子圓
方趾

罔不欣慶臣某

中賀

臣聞覆載莫大於天地

而升降之氣或不接

禮記天氣上升地氣下降

照臨莫大於日月而

薄蝕之度或有差

漢天文志彗孛飛流日月薄蝕此皆陰陽之精其本在地而上發於天者

也豈惟休咎之徵

書洪範曰休咎徵

自是陰陽之事

春秋傳公十六

年隕石于宋五六編退飛過宋都左傳周內史叔與曰是陰陽之事非吉凶所生也

旋觀彗孛載

考策書雖欲為災曷嘗勝德

史記殷本紀伊陟曰臣聞妖不勝德帝之政其有闕

與帝其修德太戊從之而祥桑枯死

伏惟皇帝陛下荆枝載茂

吳均續齊諧記田廣

田真田慶兄弟三人欲分財其夜庭前三荆便枯兄弟歎之却合樹還榮茂

棣萼重輝

詩常棣之

華鄂不韡韡箋承華者曰鄂不當作柑柑鄂足也鄂足得華之光明則韡韡然喻弟以敬事兄兄以榮覆弟古

聲不柎同柎方于反案

既居正以體元

班固東都賦體元立制繼天而

武宗為文宗弟故云
作春秋隱公元年春王正月注凡人君即位欲其體元以居正故不言一年一月也

亦觀文而察

變

易觀乎天文以察時變

仰觀星彩稍越天常

左傳帥彼天常

於是深軫

皇情重迴宸眷

沈約碑皇情眷眷慮深求瘼

省躬之懼洞感於幽明

及物之恩畢霑於華夏戒田游則成

集作殷

湯祝網之意

史記殷本紀湯出見野張網四面曰嘻盡之矣乃去其三面祝曰欲左左欲右右不用命乃入吾網諸侯聞之

曰湯德至矣及禽獸釋寬滯乃大禹泣辜之慈

劉向說苑禹出見罪人泣而問之

罷去修營惜漢氏十家之產

漢文帝紀嘗欲作露臺召匠計之直百金上曰百金

中人十家之產也吾奉先帝
宮室常恐羞之何以臺為
勸課耘耔一作耕耔復周邦九

歲之儲禮記國無九年之蓄曰不足德已厚矣仁已極矣然猶避寢

自責撤膳貽憂

箋案舊書天文志開成二年三月文宗召司天監朱子容問天變之由子容曰

昔主兵早或破四夷古之占書也然天道玄遠惟陛下修政以抗之乃敕尚食今後每日御食料分為十日戊辰詔天下放繫囚撤樂減膳避正殿武宗蓋循其故事以此延休何休不至以茲

備患何患能為足以高步三王

晉文苑傳論曰匪惟高步當年故以騰華中古

平窺百古鞭撻守成之主

魏武帝紀陳壽評曰太祖運籌演謀鞭撻宇內秣糠

中代之君

莊子足其塵垢秕糠將猶陶鑄堯舜者也

抑臣又聞之昔貞觀之

理也太宗文皇帝吞蝗而災沴息

通鑑太宗投蝗吞之曰但當食朕無害百

姓蝗果不為害

泰岱之封也玄宗明皇帝露坐而風雨消

舊書禮儀

志玄宗開元十三年十一月幸泰山封禪登山日氣和煦至齊次日入後勁風偃人寒氣切骨玄宗因不入次前露立至夜半仰天稱某身有過請即降罰若萬人無福亦請某為當罪兵馬辛苦乞停風寒應時風止山氣

溫炯戒猶存

班固幽通賦又申之以炯戒

神靈未遠

漢車千秋傳帝謂曰此高廟神

靈使公教我

陛下永懷貽厥

詩貽厥孫謀

有切欽承

書惟說式克欽承

為

其所不為至其所不至佇見地泉流醴

尚書中候帝堯即位七十載醴

泉出山東觀漢記中元二年醴泉出於京師飲者痼疾皆愈

天酒凝甘

東方朔神異經西北海外

有長人日飲天酒五斗張華注云天酒甘露也孫希之
瑞應圖甘露者美露也其凝如脂具甘如飴一名膏露
一名天酒盧思道賀甘露表神漿可挹流
珠九戶之前天酒自零凝照三階之下
人知芝草之

祥

大戴禮記芝草日生一葉至十五日生十五葉十六
日一葉落終而復始漢書制曰上古至治嘉禾興朱

草生張衡東京賦豐朱草於中唐注抱朴子云朱草長
三尺枝葉皆赤莖似珊瑚帝王世紀堯時朱草生於郊

家識白麟之瑞

見賀表

又豈芒角足懼

天官占太白者西方金之精角搖則

兵起史記正義角芒角也隋五行志國皇星出
而大其色黃白望之有芒角見則兵起國多變
晷度可

憂者哉

晉書桓溫傳晷度自中霜露惟均江迫傳疏曰
陛下今以晷度之失同之六沴案晷謂日景度

謂周天

臣素乏器能

漢東方朔傳武帝既
招英俊後程其器能

謬當任使
見

庸東雍西岳

雍疑是華岳當作嶽案華州畿內城方守
華故曰首化百城古雍縣在州西不得言

東雍華岳在州東不得言西岳若云東華西岳則太華
在州東岳山在州西於義順協周禮豫州鎮曰華山雍
州鎮曰嶽山鄭注云華山在華陰嶽吳嶽也漢郊祀志
自華山以西名山七有華山岳山舊書禮儀志肅宗至
德二年春在鳳翔改汧陽縣吳山為西岳杜甫詩憶昨
踰隴坂高秋視吳嶽東笑蓮花早北知崆峒薄蓋吳山
三峯霞舉疊秀雲天唐時特崇其號與太華同秩二岳
東西並峙故表舉以為言務諧聲病故不言西吳而言
西岳後人以華為太華嫌與下文之岳重複遂
改東華為東雍曾不知東西易位之為外也 雖首化

於百城

庚信碑百
城解印

日遠天高

日遠注見下表禮記但心
天高地下萬物散殊

存於雙闕

古詩雙闕
百餘尺

聽金石而慙殊舞獸

書夔曰於予
擊石拊石百

獸率

無羽翼而恨異冥鴻

揚子法言鴻飛冥冥弋者何慕焉

惟當虔奉

詔條頒宣德澤

漢百官公卿表武帝元封五年初置部刺史掌奉詔條察州師古曰漢官典職

儀云刺史班宣周行郡國省察治狀黜陟能否斷治冤獄以六條問事非條所問即不省

成陛下無

偏之道

書無偏無黨王道平平

畢微臣盡瘁之勤

諸葛亮表

臣鞠躬盡瘁死而後已

所冀不寘簡書

詩豈不懷歸畏此簡書傳簡書戒命也疏古者無紙

有事書之於簡謂之簡書

免拘司敗

左傳箴尹遂歸復命而自拘於司敗

如其禮樂非

臣所能無任感恩戀闕懇悃屏營之至

吳語申胥曰昔楚靈王親獨行

屏營傍徨於山林之中注屏步丁切

為汝南公賀彗星不見

一有復正殿三字

表

箋會昌元年十一月丁酉

朔越六日壬寅彗見舊書云凡五十六日而滅其日當為丁酉二年正月書丙申朔則彗滅於二日之夜而新書天文志云十一月壬寅有彗十二月辛卯不見計止有五十日當為是月之二十五如前月小盡則二十六日也校舊書先六日未知孰是觀未末時及初正禮當元會等語意新書為得其實不然彗滅於明年之二日則正殿未復元會之禮不行亦何用揚厲其辭耶

臣某言得本州進奏院狀報今月某日夜彗星不見宰

臣某等奉表稱賀請御正殿復常膳者天道甚密

南史劉劭

傳劬曰天
道密微

聖心不遐

詩毋金玉爾音而有遐心

感極而災亦為祥誠

至而妖寧勝德臣某

中賀

臣聞殷湯以六事責躬止七

年之旱

劉恕外紀湯之時大旱七年禱於桑林之野以六事自責曰政不節與民失職與宮室崇與女

謁盛與苞苴行與讖夫昌與言未已而大雨案荀子呂覽說苑所言六事與此互異

宋景以一言

修德退三舍之星

呂氏春秋宋景公有疾熒惑守心朝臣謂公曰可移於相公曰相股肱不

可也曰可移於人公曰國無人何以為君可移於歲公曰歲不登何以畜人是時熒惑乃退三舍劉峻辨命論

宋公一言歷代以來咎徵常有苟君能克已則禍不移

人左傳有雲如衆赤鳥夾日以飛三日楚子使請諸周太史周太史曰具當王身乎若榮之可移於令尹司

馬王曰除腹心之疾而伏惟皇帝陛下寅奉丕圖恭臨
寘諸股肱何益遂弗縈

大寶

易聖人之大寶曰位

遵符列聖酌憲前王昨者天象之間星

文稍

一作稱誤

異載深歸咎爰用覃恩倉箱畢復於九年

詩乃

求千斯倉乃求萬斯箱

羅網並開其三面

注見前

去營繕絕蕩心之

巧

禮記毋或作為淫巧以蕩上心

申冤結除滅耳之俘

漢王莽傳不暇省獄訟冤結易

何校減耳凶

而又正殿不居大庖盡減

詩大庖不盈

精誠昭達

班彪

王命論精誠通於神明

懇惻敷聞

後漢蔡邕傳上封事曰前後制書推心懇惻

芒焰遽

銷畧度如舊況最爾戎羯

沈約碑文加戎羯窺審

正犯疆場

案左傳疆

場之事從易音亦後人訛為疆場從易音長則義取戰
場之場矣易古陽字 箋舊書會昌元年八月回鶻烏

介可汗寇

載思星見之徵恐是滅亡之兆

星漢天文志妖

其下有軍及失地若國君喪太平御覽劉向洪範傳曰
彗者去穢布新者也此天所以罰無道而建有德也鄭
玄曰彗星 伏惟稍寬聖慮以擁皇休遵九廟之降祥

新書

文宗紀太和元年賜九廟陪位者子孫二階書作善降
之百祥 箋王制天子七廟三昭三穆與太祖之廟而
七鄭康成注云此周制七者太祖及文王武王二祧與
親廟四也漢書韋玄成奏議曰周所以七廟者以后稷
始封文王武王受命而王是以三廟不毀與親廟四而
七鄭說本此然則文武二祧固在七廟之數也劉歆乃
與為天子三昭三穆與太祖而七宗不在數中是即九
廟之說所肇端矣其後王莽篡漢歆為佐命果造起九

廟四昭四穆與黃帝太初祖廟而為七誕妄不經莫斯為甚其義實自歆發之光武中興悉復舊制由東漢以迄於隋卒無有立九廟者開元十年始詔宣帝後祔於正室謚獻祖并謚光皇帝為懿祖又以中宗還祔太廟於是太廟為九室實應二年祧獻懿祔玄宗肅宗自副是之後常為九室矣九廟之稱開元以前無之也副

兆人之欽屬臣又聞皇王之事天也雖至理之時不遺

於憂畏

真詰憂生則有畏

雖至和之氣不忘於將迎

莊子無有所將無有

迎是故神農焦勞軒帝顓頊堯既癯瘠舜集作禹亦胼胝

列子黃帝即位十有五年焦然肌色肝黦淮南子神農憔悴充瘦臞舜微黑禹胼胝此四主側身

於昔時

說苑武丁恐駭側身修行

陛下用心於今日千載符契

陸倕新漏

刻銘分萬方懷柔詩懷柔臣常忝內朝鄭氏周禮注內

似符契百神者或謂之燕朝三禮義宗周禮天子諸侯皆有三朝一

曰外朝二曰中朝三曰內朝其中朝之名或內或外若

據外朝而言謂之內朝故鄭注文王世子諸侯外朝一

內朝二是也三朝之最外為外朝者是決罪聽訟之朝

也中朝者人君旦夕視政見卿大夫之朝也內朝者

路寢也人君視政退而居於此侍諸侯之復逆也今

居近甸任昉為蕭侍中拱辰不及空瞻北極之尊見論

就日無因大戴禮孔子曰放勳其仁如天忽覺長安之

遠初學記劉劭幼童傳云晉明帝諱紹元帝太子也帝

問長安何如日遠答曰不聞人從日邊來只聞人從

長安來明日集羣臣宴會復以此問又以為日近元帝

動客問何故異昨日之言答曰舉頭見日不見長安

李義山文集箋註

十六

惟知忤舞莫可奮飛

詩心之憂矣不能奮飛

況時及初正禮當元

會

玉燭寶典正月為端月其一日為元日曹植元會詩初歲元祚吉日惟良乃為嘉會宴此高堂

華夷

畢至玉帛皆陳

左傳禹合諸侯於塗山執玉帛者萬國

小國行人外藩下

士

英華作土

皆得入趨鳳闕

漢書建章宮其東則鳳闕高二十餘丈西都賦設壁門之鳳闕

上觚稜而棲金爵注三輔故事曰建章宮闕上有銅鳳皇金爵即銅鳳也

仰望獸樽

晉禮志江左元

會設白獸樽於殿庭樽蓋上施白獸有能獻直言者則發此樽飲酒樽乃杜舉之遺式白獸蓋後代所為宋禮

志白虎樽欲令言者猛如虎無所忌憚也案唐諱虎故以虎為獸白虎即駙虞也詩傳云駙虞義獸也白虎黑

文不食生物有至信之德則應之司馬相如封禪頌般般之獸樂我君圓白質黑章其儀可喜師古曰謂駙虞

也樽上所飾即此故唐李君房白獸樽賦臣獨限關河

史記蘇秦說秦惠王曰被山帶渭東有關河坐縈符竹漢文帝紀初與郡守

後漢杜詩疏曰舊制發兵皆以虎竹而晉書陸機傳云入侍帷幄出剖符竹易虎為符唐修史避廟諱也

既深而詞懇慶已極而涕零無任感恩賀聖鬱戀屏營之至

為滎陽公賀老人星見表

原注宣宗宗紀大中元年二月以

給事中鄭亞為桂州刺史御史御史中丞桂管防禦觀察等使文苑傳鄭亞觀察桂州請商隱為觀察判官檢校水部員外郎百官志凡景星慶雲為十瑞其名物六十有四大瑞則百官詣闕奉

賀餘瑞歲終員外

郎以聞有司告廟

臣某言臣得本道進奏院狀報司天監李景亮奏八月

六日寅時老人星見於南極其色黃明潤大者

史記天官書直

狼北地有大星曰南極老人星老人見治安不見兵起常以秋分時候之南郊晉天文志老人星見則治平主壽昌唐會要開元間敕有司置壽星壇以千秋節日修祠祭老人星著之常式玉海開元七年八月老人星見色黃又二十四年八月庚戌老人星見太史奏孫氏瑞應圖云王者承天則老人星見臨其國黃帝占云老人星一名壽星色黃明大則主壽昌天下多賢士陛下以千秋節日祀於星壇而祭期將臨美應先至請付史官

聖惟合德神實效祥必垂有爛之文

詩明星有爛

以表無疆

之祚

書無疆惟休

臣某

中賀

臣聞

玄象示人

見前表

昊穹凝命

易君子以正位凝命

曜為經而宿為緯

英華作紀此傳寫之誤當作宿為經而曜為緯穀梁

傳列星為恒星亦曰經星禮記宿離不貸無失經紀注二十八宿為經七曜為紀案紀為緯西京賦五緯相汁

以旅於東井薛綜注云五緯五星也

則有常名斗挹酒而牛服箱

詩維北有斗不

可以挹酒漿又昉彼牽牛不以服箱

或標虛號未若候時而出有道則彰

居五福之先

書五福一曰壽二曰富三曰康寧四曰攸好德五曰考終命

在三辰之

列

左傳三辰旂旗注三辰日月星也

伏惟皇帝陛下昭明老契游泳莊

寰

晉阮籍等傳論曰馳聘莊門排登李室二語本此

式是中秋呈茲上瑞況見

於午位

晉郭璞傳歲涉午位金家所忌

又屬寅時仰考玄符

北史崔宏傳斯乃利

見之

玄符乃有深意自南曜彩將弘解愠之風

家語舜彈五絃之琴造南

風之詩曰南風之薰兮可以解我民之愠兮南風之時兮可以阜吾民之財兮

近曉流光欲助

無私之日

禮記天無私覆地無私載日月無私照

皇心載裕

謝靈運詩皇心美陽澤

靈鑒孔昭

晉袁宏傳贊曰靈鑒洞照

況居率土之濱

語見

皆慶後天

之壽

莊子後天地終而不為老藝文類聚韓終采藥詩曰閭河之桂實大如棗得而食之後天而老臣

誤蒙重寄實遠清光

漢晁錯傳對策曰然後能望陛下清光

送玄鸞於梁

間

禮記仲秋之月玄鳥歸注玄鳥鸞也謂去蟄也

傷時自切望

集作

白榆於天

上古樂府天上何所有歷歷種白榆案初學記引此句以白榆為星厥路無由賀聖戀

恩無任蹈舞屏營之至

為成魏州賀瑞雪慶雲日抱戴表

新書地理志魏州大都督府領

縣十四貴鄉元成魏館陶冠氏莘朝城昌樂臨河洹水成安內黃宗城永濟成魏州未詳

臣某言臣聞玄德上升

書玄德升聞

三靈為之動色

漢揚雄傳方將

上獵三靈之流如淳曰三靈日月星垂象之應也

聖功下濟

易天道下濟而光明

萬類所

以傾誠臣州去秋之間時雨不足自陽風應律

春秋考異郵冬

至十一月陽之氣也陽立於五極於九五九四十五日變風

子月經年

庾信詩子月泉心動

今

月十二日晚降雪越至十四旦開霽絮飛千里

晉書謝安因雪

驟降欣然曰白雪紛紛何所似兄子胡兒曰散鹽空中差可擬兄女道蘊曰未若柳絮因風起楚辭招魂曰曾

冰峨峨飛雪千里

花翻六出

韓詩外傳凡草木花皆五出雪花飛六出六出者陰極之數

糅

初梅而委色

英華作苞初梅猶早梅也梁簡文帝賦梅花特早偏能識春

封宿麥而

垂津

漢食貨志董仲舒說上曰幸詔大司農使閭中民益種宿麥注宿麥謂其苗經冬後漢明帝紀詔曰

自春已來時雨不降宿麥傷早

其日晡時

宋玉神女賦晡夕之後注晡日宋玉神女賦晡夕之後注晡

谷是謂晡時

西南有慶雲見為樓為閣

陸機浮雲賦若層臺高觀重樓疊閣圖

閭闔之九重

楚辭君之門以九重張衡西京賦表曉闕於閭闔注閭闔天門也

非錦非

繡

成公綏雲賦或繡文錦章依微要渺

狀衣裳之五色

書以五采彰施于五色作服

其

時又有日抱戴日晚澄廓天景淑清拖黃氣而重圍施

紅光而四溢臣與司馬樊玄則并僚屬吏等三十餘人

得所部貴鄉冠氏等縣申稱雪厚一尺以下并覩慶雲

抱戴等瑞臣謹案詩云上天同雲雨雪雰雰毛萇云豐

年之冬必有積雪

英華多若烟二字

汜勝之書云雪者五穀之

精

漢藝文志農家汜勝之十八篇成帝時為議郎師古曰劉向別錄云使教田三輔有好田者師之徒為御

史記音凡又音數劬反

又案史記云慶雲一名卿雲若烟非烟若

雲非雲郁郁紛紛蕭索輪囷是謂卿雲喜氣也瑞應圖
曰景雲者太平之應也一曰慶雲非氣非烟五色氤氲
謂之景雲援神契云天子孝則景雲出游又案援神契
云王者德至於天則日抱戴在上曰戴在旁曰抱又云
黃氣抱日輔臣納忠漢書曰宣重光李奇云太平之代
日抱重光伏惟陛下受天寶命沖用情深豐食之要鑒
寢憂勞雪為五穀之精麥為六田之首

太平御覽
記勝之書曰凡田六

道種麥
為首

由是天降瑞雪其意若曰太平具有年乎雲者

運氣立名布恩成義陛下仁霈草木惠及蟲魚揚祖宗

之烈光垂天地之正色由是天降雲瑞其意如一作曰

天子其大孝乎日者衆陽之宗人君之表劉向洪範傳

宗也後漢天文志日者由是天降日瑞其意若曰天下

其大明乎魏州大名一作之慶基左傳賜畢萬魏卜偃

盈數也魏大名也以光當作封之舊國鄭玄詩譜魏國

是始賞天啓之矣先周以封同姓其嘉祥備致靈貺綢繆見

地虞舜夏禹所都之域疏案魏世家及左氏傳云姬姓國也為榮陽表豈徒然哉斯有由矣臣叨陪漢守肅奉堯親逢日

月之貞明

易日月之道貞明者也

嘉烟雲之爛熳

尚書大傳舜時卿雲見于時百

工和歌舜歌曰卿雲爛兮紉縵縵兮

手舞足蹈地雖限于外臺按牒披圖

漢禮樂志宮童效異披圖按牒

心已馳于雙闕不任感悅之至

為柳州鄭郎中謝上表

舊書地理志柳州隋始安郡之馬平縣武德四年平

蕭銑置南昆州貞觀八年改為柳州以州界柳嶺為名屬嶺南道領縣五馬平龍城象洛曹洛容案柳州今屬廣西布政司仍治馬平縣凡除官到任謂之上上日修表謝恩謂之謝上韓文潮州刺史謝上表是也上時掌切

臣某言臣伏奉某月日制書授臣某官者即以今日

到任上訖臣某中謝臣緒承舊族師事通儒

漢貢禹傳通儒或非

之萬里成功雖無壯志

後漢班超傳超投筆而嘆左右皆笑之起曰小子安知壯士志

哉行詣相者曰祭酒布衣諸生耳而當封侯萬里之外後果立功西域封定遠侯

九夷不陋庶

慕前蹤

見論語後漢東夷傳夷有九種曰畎夷于夷方夷黃夷白夷赤夷玄夷風夷陽夷故孔子欲居

九夷二紀蠻陬

左思魏都賦蠻州夷落譯道而通者鳥獸之氓也

三提郡印

見前

表

唯貞苦節

易苦節不可貞

以奉休辰牙管一雙未嘗闕慮

南史

范岫傳在晉陵惟作牙管一雙猶以為貴

竹書兼兩何敢經懷

後漢吳祐傳父恢為南海

太守欲殺青簡以爲經書祐諫曰此書若成則載之兼兩嫌疑之間誠先賢所慎也

渭水之陰

欽

水經渭水出隴西首陽縣渭谷亭南鳥鼠山

敞廬斯託

左傳張超使謂太叔曰小人冀除先人之

敞廬每還初服

屈原離騷進不入以離尤兮退將復修吾初服

常慊上農今者又

即殊方

漢西域傳贊曰殊方異物四面而至

復臨雜俗

漢地理志土廣俗雜

固蒙聲

教

書聲教訖于四海

終遠文明謹當宣舉詔書撫安縣道

漢文

有司請令縣道師古曰或縣或道皆用此制有蠻夷曰道

媒官學舍

吳薛綜傳錫光為交趾任延為

九真太守為設媒官始知聘娶建立學校導之經義後漢鮑永傳起黌舍注黌學也

畢納於人倫

畜蠶帶牛

顧野王輿地志江南數郡有畜蠶者主人行之以殺人行飲食中人不覺也其家絕滅者

則飛遊妄走中之則斃漢書龔遂為勃海太守民有帶持刀劍者使賣劍買牛賣刀買犢曰何為帶牛佩犢楊

慎升鉛錄南中畜蠱之家蠱昏夜飛出飲水光如曳琴
鮑昭苦熱行所謂吹蠱痛行暉是也案日南蠻方以五
月五日聚百種蠱大者至蛇小者至蟲合置皿缶中餓
使相啖其獨存者為蠱以其矢因食入人腹人輒死

盡移於地利至於因遐弄法

漢杜延年傳霍光以廷尉
少府弄法輕重皆論棄市

挾遠生情

晉庾純傳
賤者生情

縱弄嚴科

晉王濬傳
嚴其科條

必貽陰責山

兼象郡江帶龍城

隋地理志始安郡統縣十五有象縣
龍城縣明一統志象山在象州西五

里以形似名柳江在府城南門外一名潯水源出懷遠
縣流經象州歷潯藤至廣州界入海柳宗元詩柳州柳

刺史種柳柳
江邊是也

撫已跼天敢忘玄造

庾信表玄造
竟微於滴助舉頭見

日何處皇居

顏延之詩皇
居體環極

憑宵夢以銜誠

徐陵移文宵
夢之言無欺

幽託歸飛而結翹

詩弁彼鸞斯歸飛提提
陸機詩羨爾歸飛翼

無任瞻天戀

闕之至

為安平公謝除充海觀察使表

箋舊書文宗紀太和八年三月丙子

以右丞李固言為華州刺史代崔戎以戎為充
海觀察使地理志至德之後中原用兵刺史皆
治軍戎遂有防禦團練制置之名要衝大郡皆
有節度之類寇盜稍息則易以觀察之號治充
州管充海沂密四州崔戎傳戎字可大高伯祖
玄暉神龍初有大功封博陵郡王戎舉兩經登
科授太子校書調判入等授藍田主簿為蒲鎮
名公交辟入為殿中侍御史累拜吏部郎中遷
諫議大夫尋為劍南東西兩川宣慰使還拜給
事中駿奏為當時所稱改華州刺史遷充海沂

密都團練觀察等使將行州人戀惜遮道至有
解縣斷經者理究一年太和八年五月卒新書
世系表戎出博陵安平房後漢長岑長崔駟火
子寔之後兗海觀察使封安平縣公案元暉傳
陵安平人唐制凡封爵皆以其郡縣名被之故
玄暉封博陵郡王戎封安平縣公唐人稱大
率以郡望然亦有從封爵者
安平公濮陽公之類是也

臣某言今月某日中使王士岌至奉宣恩旨改授臣某
官并賜臣前件告身一通者寵命天臨恩光春煦兢惶

無措扑蹈失容臣某

中謝

臣幸逢昭代本自諸生文以

飾身

左傳言身
之文也

學實為己寧韞玉而待賈

見論語

竊運甕

以私勞

覽當作覽晉陶侃傳侃在廣州朝輒運百覽於齊外夕運百覽於齋內曰吾方致力中原過爾

優游恐

春闈

英華作團

再中於明經

新書選舉志開元二十四年考功員外郎李昂

為舉人詆訶帝以郎官權輕遂移貢舉於禮部以侍郎主之禮部進士自此始明經之別有五經三經二經學究一經三禮三傳禮記春秋左氏傳為大經詩周禮儀禮為中經易尚書春秋公穀傳為小經先帖文然後口試經問大義十條答時

天官一升於判第

選舉志文選吏部主之凡

務策三道亦為四等

擇人之法有四一曰身二曰言三曰書四曰判四事可取則先德行行均以才才均以勞五品以上不試上名

中書門下六品

階級甚薄

後漢邊韶傳階級名位亦宜超然

際會則多

後漢陳蕃王允傳論曰及遭際

芸閣讎書

魚豢魏畧芸香辟紙魚故

會協策竇武自謂萬世一時也

藏書臺曰芸臺左思魏都賦讎校篆籀太平御覽劉向別傳曰讎校者一人持本一人讀之若讎家相對故曰

仇藍田

集作

作吏

新書地理志京兆府藍田為畿縣嵇康與山巨源書一行作吏此事便廢

中間因依知己

阮籍詠懷詩寒鳥相因依南史王僧達傳不能因依左右

契闊從軍

詩死生契闊傳契闊勤苦也

其後超屬憲司

南史蕭惠開傳詔曰今以蕭惠開為憲司冀當

稱職駟登郎署

漢武故事武帝輦過郎署

埋輪而出高懸八使之威

後漢

張綱傳漢安元年遣八使徇行風俗而綱獨理其車輪於洛陽都亭曰豺狼當道安問狐狸

起草以

居遠謝三臺之妙

胡廣漢官儀尚書郎主作文書起草晝夜更直初學記謝靈運晉書曰漢

官尚書為中臺御史為憲臺謁者為外臺是為三臺晉衛瓘傳瓘為尚書令與尚書郎索靖俱善草書時人號

為一臺

二妙 每含香而自嘆

漢官儀尚書郎懷香握蘭含雞舌奏事

常襍被而

待行

一作命非晉書魏舒為尚書郎或有非其人論者欲沙汰之舒曰我即其人襍被徑出

伏惟

皇帝陛下鈞陶庶彙

漢董仲舒傳猶泥之在鈞惟甄者之所為又陶冶而成之

亭毒

萬方

老子亭之毒之蓋之覆之王弼曰亭謂品其形毒謂成其質

憂位同堯

漢董仲舒傳堯

受命以天下為憂而未以位為樂也

好諫若禹

鬻子禹治天下以五聲聽門懸鼓鐘鐸磬而置鞀於

奠簋曰教寡人以道者擊鼓教寡人以義者擊鐘教寡人以事者振鐸語寡人以憂者擊磬語寡人以獄訟者

彈鞀此之謂五聲

東掖垣內封章何有於日聞

新書百官志門下省給事中四

人凡百官奏鈔侍中既審則駁正違失詔敕有不便者塗竄而奏還謂之塗歸蓋時以中書為西臺門下為東

臺亦稱西掖東掖李頎寄房給事詩云長安城連東青掖垣鳳凰池對青瑣門是也漢趙充國傳奏封章青

瑣門前列位徒參於夕拜

漢元后傳赤墀青瑣注孟康曰以青畫戶邊鏤中天子制

也師古曰青瑣者刺為連瑣丈而以青塗之初學記衛宏漢舊儀曰黃門郎屬黃門令日暮對青瑣闌拜名曰

夕擺波濤而鯢鱗纔變

莊子北溟有魚其名曰鯢化而為鳥其名為鵬怒而飛其翼若

垂天之雲鵬之徙於南冥也水擊三千里搏扶搖而上者九萬里

望烟霄而鸞翮初高

顏延之五君詠鸞翮有時鍛

誓將竭誠非敢養望

晉陶侃傳常語人曰何有亂頭養望

自謂宏達耶

然虛受難處忝據非安忽擁隼旗

周禮司常鳥隼為旗竟

辭龍闕

後漢百官志注洛陽宮門名為蒼龍闕門

猶賴雲日未遠闕城不遙

並見上文 箋舊書文宗紀太和七年閏
七月戊戌以給事中崔戎為華州刺史 虔奉國章南史

梁武帝諸子傳元 龐免官謗左傳敢辱高 豈意便升亞
正六佾事為國章 位以速官謗

相之重 集作 秩 漢朱雲傳御史大夫宰相 復委大藩之
班 之副案白帖謂之亞相

庶問 漢高祖紀庶問有不 魚箋帝語 張華博物志漢桓
如吾詔者以重論之 帝時桂陽人蔡倫

始擣故魚網造紙業魚箋未詳疑即魚網紙也 象軸神
劉孝威謝齊宮紙啓云鄴下鳳銜漢朝魚網

工 象軸謂以象牙為卷軸隋書牛宏上表云劉裕平姚
泓收其圖籍四千卷皆赤軸青紙文字古拙是古者

書每卷為一軸也 此 拜受而若捧千鈞伏讀而如聽九
則言告身之飾耳

奏 史記趙世家簡子夢遊 誠雖深於負荷 左傳其父析
於鈞天廣樂九奏萬舞 薪其子弗克

員盧謚贈劉琨詩序倚慰其違離之意總實切於違離王以周況曲阜遺封禮記成

公為有勲勞於天下是以封周公導河舊壤書兗州九

列九州之數書濟河帶五嶽之雄謂泰山初學記五經

為厚嶽之長宗長也言古為詩書俎豆之鄉史記孔子世家常陳

微而禮樂廢詩書缺孔子序書傳上紀唐虞之際下至

秦繆編次其事古者詩三千餘篇及至孔子去其重取三百

今兼魚鹽兵革之地齊世家設輕訓整合資於武重魚鹽之利

幹晉書諸葛長民傳有文武幹撫循宜屬於柔良後漢

良退貪殘豈伊孱微堪此委寄謹當冰霜勵志金石魯恭

貫誠

韓詩外傳熊渠子見其誠心金石為之開而況于人乎

驚馬奮十駕之勤

荀子

驥一日而千里駕馬十駕則亦及之矣

鉛刀淬一割之用

韓詩外傳陳饒謂宋燕曰鉛刀

畜之而干將用之班固答賓戲擗朽磨鈍鉛刀皆能一斷後漢班超傳上疏請兵曰況臣奉大漢之威而無鉛

刀一割之用乎

即以今月二日

時太和七年

雪泣西拜

庾信詩雪泣悲去魯星

馳東下

晉陶侃傳二征奔走九州星馳

帝城思入雖有類于陳咸

漢陳咸傳

起家復為南陽太守時王音輔政信用陳湯咸數子湯書曰即蒙子公力得入帝城死不恨

關外恥

居安敢同於楊僕

漢書元鼎三年徙函谷關於新安注應邵曰時樓船將軍楊僕數有大功

恥為關外民上書乞徙關於新安去弘農三百里

無任

瞻天戀闕之志謹附中使某奉表陳謝以聞

為安平公兗州謝上表

臣某言臣自承明詔移鎮東藩望闕而血涕以辭戒途

而星奔不息

劉琨詩
旬星奔

即以今月五日到任上訖當時

集軍州官吏等宣布皇風

魏志高堂隆疏唐虞大禹之所以垂皇風

闡揚玄

造歡聲雷動嘉

集作喜是

氣雲高臣某

中謝

臣本由儒業

南史

王承傳惟承獨好儒業

獲厠朝榮

曹植表使名挂史筆事列朝榮

粵自烏臺

漢朱博傳

御史府中列柏樹常有野烏數千棲宿其上晨去暮來號曰朝夕烏職官分紀漢成帝時御史臺有烏集故謂

之鳥

至於青瑣

見前表

累更近地皆奉休期

徐陵陳公九錫詔晉在休

期早隆

用盡心以書紳長憂福過

書紳見論語庾亮表小人祿薄福過災生

取知足而銘座敢傲時來

老子知足不辱知止不殆後漢書崔瑗字子玉作座右銘

漢蒯通傳時乎時不再來

旋屬皇帝陛下垂意闕城推心旬服俾之

防遏兼使緝綏橫被天波未移星瑄宜期非次忽致殊

遷

徐陵書修好徵兵彌留星瑄案星謂大星瑄謂律瑄未移星瑄言時未一周也崔戎以太和七年閏七月

出守華州八年三月即遷充海故云

察俗雄藩

舊書嚴綬傳前後統臨三鎮皆號雄藩

分榮

大憲地濱河濟

周禮河東曰兗州其川河沛沛與濟同

山奄龜蒙

詩魯頌曰奄有

龜蒙遂本孔里周封史記孔子世家弟子及魯人往從

水經注從征記曰洙泗二水交於魯城東北十七里闕

石闢史記封周公旦於少昊之虛曲阜正義括有堯祠

舜澤北水經注雷澤在大成陽縣有堯冢靈臺雷澤在西

舜所漁也城西二里有堯陵陵南一里有堯母慶都陵

皆立廟四周列水潭而不流前並列數碑案雷澤即禹

貢之雷夏在今山東兗州府曹州東北六十里北接東

昌府濮州界明一統志兗州府城東南七里有堯祠李

白詩云角巾微服堯祠南即此南史羊侃傳云

常於兗州堯廟踏壁直上至五尋橫行得七跡九州之

名數甚古表見前

三代之禮樂舊傳退省何人合安茲地

欽定四庫全書

李義山文集箋註

三

撫躬而浹

集作沾

背汗下

漢王陵傳勃汗出浹背媿不能對

仰恩而溢皆

一作

淚流

說文皆目厓也列士傳朱亥皆裂血濺

況所部驍雄

虞溥江表傳許貢表

曰孫策驍雄與項籍相似

素兼節制

漢刑法志齊桓晉文之兵可謂入其域而有節制矣

為於

當代便屬文臣畫武聚螢

武讀曰虎後漢馬援傳畫虎不成反類狗晉車胤傳胤家

貧不能得油囊螢照書

昔惟久事筆硯

後漢書班超為官傭書久勞苦投筆嘆曰大丈夫當

立功異域安能久事筆硯乎

佩鞬帶鶻

帶當作戴左傳左執鞭弭右屬索鞬注索以受箭鞬以受

弓漢官儀虎賁冠插鶻尾

今寧能執干戈

禮記魯人欲勿錫童汪錡問於仲尼仲尼曰能執干

戈以衛社稷欲勿殤也不亦可乎

幸臣前在華州日虔奉詔條克宣戎

律

晉陸暕等傳論曰殷浩出總戎律

檢下而羊無九牧

魏志州牧縣宰割剝自私人不

聊生而吏員外置官古謂十羊九牧

馭黠而犬用左牽

禮記效犬者左牽之

用令去

任之時大有遮留之請

魏畧顏斐還平原太守吏民遮道車不得行稽十日方得出北

史唐永傳永為南幽州刺史夷人送故者莫不垂淚當路遮留隨數日始得出境

盡三屬縣至

萬餘人不放即途皆來卧轍

後漢侯霸傳為臨淮太守被徵百姓攀轅卧轍不許

去

竟稽朝發

江表傳汎舟舉帆朝發夕至

遂致宵奔

後漢孟嘗傳嘗為合浦太守被

徵當還吏民攀車請之嘗既不得進乃載鄉民船夜遁去晉書鄧攸為吳郡太守稱疾去職百姓數千人牽留攸船不得進攸乃止停中夜發去
箋新書崔戎傳時詔使尚在民益詣使請白天子句戎還使許諾戎夜單

欽定四庫全書

李義山文集箋註

三子

騎亡去民追不及乃止

請於茲時亦因前政冀漸令蘇息

後漢朱浮傳疏

曰保宥生人使得蘇息

長使謐寧

晉周玘傳期年之間境內寧謐

然後遠訪云亭

漢郊祀志無懷氏封泰山禪云云黃帝封泰山禪亭亭注服虔曰云云在梁父東山名也晉灼曰云云山在蒙陰縣故城東北地理志鉅平有亭亭山案云云在今山東濟南府泰安州東南一百二十里亭亭在州南五十里皆泰山之高尋日觀見為京兆公表備萬乘登封之所漢武帝紀上登

封泰山降坐明堂

設諸侯朝宿之儀

公羊傳許田者何魯朝宿之邑也諸侯時朝乎天子

天子之郊朝諸侯皆有朝宿之邑焉

盛禮獲窺微願斯畢過此以往不知

所圖無任戴恩隕越之至謹差某官某奉表陳謝以聞

為濮陽公陳許謝上表

箋案舊書王栖曜傳栖曜濮州濮陽人累官廊坊丹

延節度觀察使檢校禮部尚書兼御史大夫子
茂元幼有勇畧從父征伐知名元和和中為右神
策將軍太和中檢校工部尚書廣州刺史嶺南
節度使招懷蠻落頗立政能南中多異貨茂元
積聚家財鉅萬計李訓之敗中官利其財倚搆
其事言茂元因王涯鄭注見用茂元懼罄家財
以賂兩軍於是授忠武軍節度陳許觀察使故
有是表也新書方鎮表貞元三年置陳許節度
使治許州十年賜號忠武軍地理志許州領縣
九長社長葛陽翟許昌鄆陵扶溝臨潁舞陽鄆
城陳州領縣六宛邱太康項城潁水南頓西華
並屬河南道王栖曜傳茂元家積財交煽權貴
鄭注用事遷涇原節度使注敗悉出家資餉兩
軍得不誅封濮陽郡侯召為將作監領陳許節

度使索茂元封濮陽郡侯故
稱濮陽公此則以其爵也

臣某言臣伏奉去月八日制書授臣前件官臣即以某

月日到任上訖當時集軍州官吏僧道耆老等揄揚王

集作化宣布睿慈連營咸鼓於巽風魏志劉備與孫權交戰樹柵連營七

百餘里闔境均霑於兌澤臣某中謝臣材謝漢飛漢李廣傳匈奴

號曰漢義慙燕使集作客戰國策望諸君報燕王書曰臣乃口受令具符節南使臣於趙願

反命取兵隨而攻齊獻書求試新書茂元少好學德宗時上書自薦擢試校書郎改太子贊善大夫

學劍邀勲漢項籍傳學書不成去學劍箋新書李元膺留守東都署茂元防禦判官大舸

千艘

杜篤論都賦大船萬艘轉運相過

早竊樓船之任

漢書元鼎五年遣樓船將軍楊

僕出豫章下湏水

勝兵萬數

勝音升漢伍被傳勝兵可得二十萬

晚兼車騎之名

漢官儀漢興置車騎將軍金印紫綬位次二千石杜氏通典漢文帝元年始用薄昭為車騎將軍

雖任

在啓行

詩元戎十乘以先啓行

而時當柔遠

書柔遠能通

珠崖銅柱

漢書

元鼎六年定越地為珠厓郡注應劭曰郡在大海中崖岼之邊出真珠故曰珠厓晉地理志曰南郡象林縣今有銅柱漢立此為界貢金供稅新書南蠻傳環王本林邑其南大浦有五銅柱山形若倚蓋西重巖東涯海漢馬援所植也案漢珠厓詹耳

祇務庶平

史記倉公傳緹二郡今為廣東瓊州府地

為吏齊中麻壘艾亭

初學記引秦州記曰枹罕城西有麻壘中可容萬衆漢地理志天水

郡縣道縣騎都尉治密艾亭魏地
形志梁興郡梁興縣有艾亭丘
莫能恢復東都賦恢

旋屬皇帝陛下荆枝協慶棣萼傳輝

謂武宗茂元為陳許節度使蓋在會

昌之
初 臣得先巾墨車

周禮巾車職曰大夫乘墨車

入拜丹陛

隋薛道衡傳高

祖頌曰驅

蘭臺假號

漢官儀御史大夫之丞兼典蘭臺秘書

棘署參榮

周禮

朝士掌建邦外朝之法左九棘孤卿大夫位焉右九棘公侯伯子男位焉

奉漢后之園陵

後漢

光武紀詔修復西京園陵注園謂塋域陵謂山墳通典將作監掌修作宗廟路寢宮室陵園木土之功

獲

申送往掌周王之康庾

周禮康人掌九穀之數以待國之匪頒賜稍食通典司農卿

掌邦國倉儲之事案茂元遺表云伏思任司農大卿之日授忠武統帥之時紫殿承恩彤庭入對是由司農卿

遷陳許節度
史畧之耳

方切事居

左傳送往事居耦俱無猜貞也
案往謂文宗居謂武宗文宗晏

駕茂元蓋嘗以將作監佐山林之後故曰奉漢后
之園陵武宗即位除司農卿故曰掌周王之康庾不謂

遽董戎旃

謝朓牋契闊戎旃從容讌語

還持武節

漢書元封元年詔曰躬秉武節通典

晉制都督使持節為上持節次之假節為下使持節得
殺二千石以下持節殺無官位人若軍事得與使持節
同唐分天下州郡制為諸道每道置使治於所部其邊
方有寇戎之地則加以旌節謂之節度使蓋古之持節
都督自至德以來天下多難諸道
皆聚兵增節度使為二十餘道
賜國既高於七命周

掌命職曰侯伯七命其國家宮
室車旗衣服禮儀皆以七為節
承家又慶於重侯易大
君有

命開國承家漢書許史三王丁
傅之家皆重侯累將窮極富貴
維彼壁田春秋桓公元
年三月鄭伯

以壁假許田

實聯鼎邑

左傳武王克商遷九鼎於洛邑

古之近甸今也雄藩

想像汝南星聚而先賢未遠

劉敬叔異苑汝南陳仲弓從諸子姪造潁川荀季和

父子於時德星為之聚太史奏五百里內有賢人聚

經過潁上水濁而強族皆除

漢灌夫傳夫字仲儒潁陰人也宗族賓客為權利橫潁川潁川兒歌之曰潁水清灌氏寧潁水濁灌氏族

在昔年常鄰多壘

禮記四郊多壘此卿大夫之辱也

載瞻軍額

舊書敬宗紀特

置武昌軍額

深見士心貴忠孝之兩全則忠可移孝

孝經君子之事

親孝故忠可移於君

正文武之二道則武可輔文將謀將領之能

南史王融傳奏曰近塞外微臣苦求將領必重英豪之選

晉石謨傳謨曰若非上哲必由英豪

豈虞拔擢

揚雄劇秦美新數家溥惠拔擢倫比

乃出辱微謹當阜俗而必

致人和貞師而不為兒戲

易師貞丈人吉漢書周亞夫軍細柳文帝勞軍至其營曰

嗟乎此真將軍矣向者霸上棘門如兒戲耳

使流庸自占

漢昭帝紀詔曰比歲不登民置於食

流庸未盡還師古曰流庸謂去其本鄉而行為人庸作

驍悍知方

吳陸遜傳雖云師老猶有驍悍

任棠水薤之規臣當可復

後漢龐參傳參為漢陽太守郡人任棠者隱居教授參到

先候之棠不與言但以薤一大本水一盂置戶屏前自抱孫兒立於戶下參良久曰水者欲吾清也拔大本薤

者欲吾擊強宗也抱兒當戶欲吾開門恤孤也

黃霸米鹽之政臣亦不遺

漢循吏傳

黃霸為潁川太守米鹽靡密治為天下第一徵守京兆尹秩二千石 麤勤報効之資用贖

貪饕

集作

之責

漢王莽傳馳傳天下考覆貪饕

奉違軒鏡

軒鏡內傳帝會王母鑄鏡

十二隨日用之宣和博古圖昔黃帝液金作神物為鑑凡十有五去古既遠不能盡考後世有得其一者其制

度以四靈位四方以八卦定八極十二辰環其外二十四氣布其中故與日月合明鬼神通意幾落堯

莫

帝王世紀堯時有異草夾階而生每一日生一葉至十五日生十五葉至十六日一葉落至三十日落盡

若小月即一莢厭而不落謂之莫莢比園葵以自傾晝惟向日

文選有陸機園葵詩

說文黃葵嘗傾葉向日不令照其根莢海槎之不繫秋則經天

張華博物志舊說天

河與海通近有居海者年年八月有浮槎來甚大往近不失期此人乃多資糧乘槎去忽忽不覺晝夜奄至一

處望室中見一女方織一丈夫牽牛渚處飲之人問為何處答曰君可詣蜀嚴君平此人還問君平君平曰某

年某月有客星犯牽牛即此人到天河也感激而淚血沾衣兢憂而汗雨浹

集作背並見無任感恩戀闕兢惕屏營之至

為濮陽公陳情表

箋此王茂元為涇原節度求代表也案舊書文宗紀太和九年

李訓鄭注用事是歲冬十月癸未以前廣州節度使王茂元為涇原節度使踰月而甘露之變作中人倚據之事當在此際而表云一去闕庭五罹寒暑蓋中人得其重賂故能久帥涇原其陳情當在開成四年之秋冬去文宗之升遐無幾矣

臣某言臣聞事君以忠者所宜效死食君之祿者亦戒

妨賢

說苑虞丘子謂楚莊王曰臣苟非內慊私誠外憂為令尹處士不升妨羣賢路

官謗則安肯固辭武節

並見前

强委信

一作圭

周禮侯執信圭拒

七命賜國之榮

周禮大宗伯以九儀之命正邦國之位壹命受職再命受服三命受位四命受

器五命賜則六命賜官七命賜國八命作牧九命作伯

捨萬里封侯之策

見為柳州表

必知不可安敢無言臣某

中謝

臣因緣代業

盧諶詩序因緣運會

得蒙接事孔叢子仲尼大聖自茲以降世業不替也

遭逢

集作

聖時竊常有志四

方

左傳姜氏謂公子曰子有四方之志

不掃一室

後漢書陳蕃曰大丈夫處世當掃除天下安事

一室

奉隨武之家事無媿陳辭

左傳屈建問范會之德於趙武趙武曰夫子之

家事治言於晉國竭情無私其祝史祭祀陳信不媿纂鄧傳之門風不傷清議

後漢

鄧禹傳禹有子十三人各使守一藝修整閨門教養子孫皆可以為後世法顯宗即位拜為太傅晉山簡傳郭泰許劭之倫明屬者每憂不試深恥因媒

說苑孟嘗君曰縷因針而

入不因針而急嫁女因媒而成不因媒而親

自薦之書朝投象魏殊常之澤

暮降芸香

晉裴頠傳臣亦不敢聞殊常之詔餘並見前

其後契闊星霜羈離

戎旅從軍王粲徒感所知

王粲從軍詩從軍有苦樂但問所從誰所從神且武焉得

久勞

草檄陳琳亦常交辟

典略陳琳字孔璋草檄文成以呈太祖太祖先苦頭風是

日疾發卧讀琳所作翕然而起曰此愈我疾魏志琳被太祖辟為丞相掾屬

呂元膺東周保

釐之日

書王以成周之衆命畢公保釐東郊箋舊書呂元膺字景文鄆州東平人元和中代權德輿

為東都留守

李師古天平畔換之時

漢書敘傳項氏畔換黜我巴蜀注強恣貌

師古當作師道舊書李正己傳師道師古異母弟師古死其奴不發喪潛遣使迎師道於密而立之元和元年

十月加檢校工部尚書充平盧軍及淄青節度副大使知節度事自正己至師道竊有郾曹等十二州六十年

矣新書方鎮表元和十五年潛入其徒盈於留郎
漢李賜郾曹濮節度使號天平軍

至留郎
臣此時尚持白簡
晉書傳玄每有奏劾或值日暮捧白簡整簪帶坐而待旦猶

著青袍
古詩青袍似春草案遺表云藍衫不脫竹簡仍持與此同意藍衫即青袍杜氏通典貞觀四年

今八品九品以上服青時茂元為元膺防禦判官判官例以御史充故青袍義山詩所為青袍御史是也偶成

轉韻詩云歸來寂寞靈臺下著破藍衫出無馬亦其證矣白簡即竹簡唐會要武德四年詔五品以上執象笏

六品以下執竹木笏
初學記云笏手板也
元膺知臣傳
劍論兵
漢司馬遷傳在趙者以傳

劍論顯注服虔曰世善劍也後漢馬援傳帝常言伏波論兵與我意合
本於仁信
孫子將者智信

仁勇
嚴也
佩鞬插羽
見為安
亦識孤虛
漢藝文志五行家有風后孤虛二十卷後

漢書方術傳孤虛之術注孤謂六甲之孤辰若甲子旬中戌亥無干是為孤也對孤為虛趙彥傳朝廷令宗資

討泰山殘賊彥為
資陳孤虛之法
俾以發姦
漢趙廣漢傳其發姦擒伏如神
假之捕盜

後漢劉玄傳注漢法十里一亭
亭置一長捕賊掾專捕盜賊也
幸無容刃
一作忍非見下遺表
以

及焚巢
易鳥焚其巢旅人先笑後號咷
膺傳元和十年七月李師道留邸伏甲謀亂初

師道於東都置邸院兵謀難以往來吏不敢辨因吳元濟北犯郊畿多警防禦兵盡戍伊闕師道伏甲百餘於

邱院將焚宮室而肆殺掠已烹牛饗衆明日將出會小將李再興告變元膺追兵伊闕圍之半月無敢進攻者防禦判官王茂元殺一人而後進或有毀其壙而入者賊衆突出濟伊水望山而去官兵進圍於谷中盡獲之

旋帶銀章

漢百官公卿表凡吏秩比二千石以上皆銀印青綬注漢舊儀云銀印背龜紐其文曰章

俄分竹使

漢文帝紀注應劭曰竹使符皆以竹箭五枚長五寸鐫刻篆書第一至第五隼

峽出以分憂

晉宣帝紀固辭天子曰此非熊軾鄖城後以為樂乃分憂耳隼

輿服志三公列侯伏熊軾黑櫛漢地理志江夏郡竟陵縣有鄖鄉楚鄖公邑

忽然通貴

南史蕭琛

傳近於通貴

箋楚峽謂峽州鄖城謂鄖州唐峽州治

夷陵縣有西陵峽鄖州治長壽縣本竟陵也茂元蓋以

功遷官歷峽鄖二州刺史故曰隼

豈意復踰五嶺

漢張耳傳

南有五嶺之戎注裴氏廣州記云大更授再麾顏延之

庾始安臨賀桂陽揭陽是為五嶺

五君詠

一麾乃出守夢溪筆談今之郡守謂之建旄蓋用顏延年詩誤延年謂一麾者乃指麾之麾如武王左秉白旄以麾之麾非旌麾之麾也延年阮始平詩云屢薦不入官一麾乃出守者謂山濤薦咸為吏部郎帝不用荀勗一擠遂出始平延年被擠以此自託耳自杜牧之有擬把一麾江海去之句始謬用一麾遂成故事野客叢書僕考唐人詩如杜子美柳子厚許用晦獨孤及劉夢得陸龜蒙等皆用一麾事獨牧之謂把一麾為露圭角似失延年之意如張說詩湘濱用出麾如此用則何害筆談謂今人以守郡為建麾用顏詩事自牧之始亦未然觀三國志擁麾守郡文選建麾作牧此語在前久矣謂把一麾之誤自牧之始則可謂建麾之誤則不可中

間叨相青宮

神異經東方有宮青石為牆門有銀

赤司

緹騎

環濟要略司隸出從緹騎通典漢執金吾緹騎二百人持戟五百二十人與服導從光生滿路唐為

左右金吾衛置大將軍纔通閨籍謝朓詩既又處藩條一人將軍二人副其事

謂出帥

越井朝臺

太平御覽郡國志曰廣州越井岡一云越王井言趙佗誤墜酒杯於井遂

嶺南

浮出石門故諺曰石門通越井也明一統志越秀山在

廣州府城內上有越王臺故址昔尉佗因山為之又

越王井一名趙佗井南漢劉氏號為玉龍泉水經注尉

佗舊治處負山帶海博敞渺目佗因岡作臺北面朝漢

圓基千步直峭百尺頂上二畝複道迴環朔望并拜名

曰朝臺王象之輿地紀勝朝臺在廣州番禺縣西五里

棠李涉鷓鴣詞云越岡連越井備經艱險貪泉湏水書

越鳥更南飛即此越王井也

吳隱之為廣州石門有貪泉傳云飲者貪隱之酌而飲之為詩曰若使夷齊飲終當不易心漢書樓船將軍楊

僕出豫章下湏水師古曰湏音丈庚反水經注漆水南
逕陽縣西出湏陽峽左則湏水注之水出南海龍川
縣西逕湏陽縣南右注湏水故應劭曰湏水西入漆也
元和郡縣志石門水一名貪泉出廣州南海縣西三十
里平地湏水在韶州曲江縣東一里太平
寰宇記曲江漢舊縣以湏水屈曲為名益勵平生是

甘馬革之言

見下祭伏
波神文

常懼虎皮之誚

揚子羊質而虎
皮見革而悅見

狼而戰 箋遺表云兩踰嶺嶠四建牙旗是茂元官嶺
南者再也自郾城遷者似是郾守而下文云中間叨相
青宮忝司緹騎則又自嶺南入為京職據舊書太和中
為嶺南節度而先是元和中嘗為右神策將軍蓋即所
謂忝司緹騎者新書云自校書郎改太子贊善大夫亦
可謂叨相青宮但此在防禦判官之前殊不相合恐初
解嶺南而還別授儲
官史載之不詳耳 及聖造遠流南極

淮南子章亥自
北極步至南極

許拱北辰黃犢留官

晉羊祜傳祜兄子篇為鉅平侯奉祜嗣篇歷官清慎有私牛于官舍

產犢及還而留之

胡牀掛柱

魏略裴潛為兗州刺史常作一胡牀及其去也留以掛柱如生

羽翼

魏文帝詩身輕生羽翼

若出嬰羅

郭璞江賦慙神使之嬰羅

誓以歸彼冗

員處之散地

箋此言解嶺南節度而歸惟願為冗散也

俄以朝那闕守

漢地理志

安定郡有朝那縣應邵曰故戎郡邑也案朝那故城在今陝西平涼府城東南唐涇州安定郡治保定縣即今

府治平涼縣古朝那地也

昆壤須人

楊惲報孫會宗書安定山谷之間昆夷舊壤新書方鎮表大歷

三年置涇原節度使治涇州貞元六年涇原節度領四鎮北庭行軍節度使元和四年增領行渭州一去

闕庭

潘岳西征賦竊託慕于闕庭

五罹寒燠處京畿五百里之內控

蕃寇數十州之多提鼓燒烽增埤濬洫

埤與卑通漢劉向傳增埤為高

詳見祝文

雖國家遠追

集作敷

上策不事交爭

漢匈奴傳王莽欲窮追匈奴嚴

尤諫曰匈奴為害未聞上世有必征之者也後世三家周秦漢征之然皆未有得上策者也周得中策漢得下

策秦無策焉

然蛇豕難防

左傳申包胥曰吳為封豕長蛇以薦食上國

犬羊易縱

苟罷嚴徹警則負約渝盟

箋自廣德元年涇原沒于吐蕃以後頻復頻陷

臣自

受命以來為日斯久未嘗一日不修戰格

舊書張仁愿為朔方總管

築三受降城不修戰格

未嘗一日不數軍儲

左傳歸而飲至以數軍實

使士有

關心人無虛額使之偵候咸亦聞知

晉桓玄傳玄偵候還云裕軍四塞不

知多少尚未能率厲驍雄揣摩鋒鏑遠收麻壘直取艾亭

見陳許謝上

成大朝經武之威

後漢杜篤傳辛氏東義經武

畢微臣報主

之分可書竹帛

後漢鄧禹傳禹曰但願垂功名於竹帛耳

不辱旂常

周禮日月為常

交龍為旂禮記有功銘於太常

蓋以久處炎荒備薰瘴毒

番禹雜編嶺外二三月為

青草瘴四五月為黃梅瘴六七

月為新水瘴八九月為黃茅瘴內搖心力外耗筋骸雖

馬援據鞍尚能矍鑠

後漢馬援傳援據鞍顧盼以示可用帝笑曰矍鑠哉是翁也

而

班超攬鏡不覺蕭衰

後漢班超傳超自以久在絕域年老思土上疏曰臣超犬馬齒歲常

恐年衰奄忽僵仆起妹昭亦上書請超曰超年最長今且七十衰老被病頭髮無黑晉王衍傳在車中攬鏡自

照恐無以早就大功久當重任自思已熟求退為宜

後漢

韋彪傳詔曰中被
篤疾連上求退

伏惟皇帝陛下道冠百王功高三代

照臨若日覆露如天

晉語是先子覆露子也注露潤也
淮南子帝者覆露昭導普施而無

私

況今國不乏人時稱多士有才略在臣之右齒髮少

臣之年

漢書高后令大謁者張澤報冒
頓書曰年老氣衰齒髮墮落

俾代處是邦遞

臨斯位以之責效誰曰不然俾前達後生皆無蔽滯由

中及外得以交相成陛下適時之方

晉王羲之傳遺謝
安書曰豈非適時

之宜
耶 減微臣固寵之責

漢書韓增保身固
寵不能有所建明

臣不勝祈恩

懇迫之至謹差某官奉表以聞

為榮陽公桂州謝上表

箋舊書宣宗紀太中元年二月以給事中鄭亞為桂

州刺史御史中丞桂管防禦觀察使循州刺史案地理志
月貢授桂管防禦觀察使循州刺史案地理志
嶺南西道桂管經略觀察使治桂州管桂韶蒙
富梧潯龔鬱林平琴賓澄繡象柳融等州循州
屬嶺南東
道節度使

臣某言臣奉違禁掖祇役遐陬

王勃廣州塔碑記相
彼遐陬實惟荒裔

雖

懸就日之誠

見為汝南公表

懼曠宣風之寄

漢上褒傳益州刺史王褒欲宣風化

於衆庶使褒作中和樂職宣布詩
選好事令依鳴鹿之聲習而歌之

柔轡載揚于永路

左傳

襄公二十六年國
子賦轡之柔矣

輕舠利濟於大川

詩誰謂河廣曾不容刀
箋狹小船

曰刀釋文刀如字字書作舠南
史齊武帝諸子傳輕舠還闕

即以今月九日到任上

記臣某

中謝

臣系承儒訓

晉荀崧傳參訓國子以弘儒訓

生屬昌期

南史

王茂等傳論曰王
茂等運接昌期

初掛弁髦

左傳豈如弁髦而因以敝之注童子垂髦始冠必三

加冠成禮而棄其始冠疏士冠禮始冠緇布冠次加
皮弁次加爵弁冠義云緇布之冠冠而敝之可也

即

親筐篚

漢賈誼傳俗吏所務在于刀筆筐篚

嘉樹無忘於封殖

左傳韓宣子來聘公

享之韓子賦角弓既享宴於季氏有嘉樹焉宣
子譽之武子曰宿敢不封殖此樹以無忘角弓

青槐不

落於寇偷

世說王子敬夜齋中卧有羣盜入其室再擢
王徐曰偷兒青槐我家舊物可特置之

詞科一登冊府

謂秘書省穆天子傳天子北征東還乃循黑水至于羣玉之山四轍中絕先王

之所謂策府冊與策同

但遷歲律浮泛軍裝

揚雄甘泉賦振殷韓而軍裝

忽影

華纓

鮑昭詩仕子彩華纓

俄列通籍極望郎於南省

魏書孝文帝曰吏部郎必

使才望兼允者陸游筆記唐人本以尚書省在大明宮之南故謂之南省

備給事於左曹

漢楊

敞傳子惲名顯朝廷擢為左曹案左曹謂門下省沈佺期自考功員外郎拜給事中詩云南省推升地東曹拜

項闌東曹郎左曹也

中間帖掌臺網

通典御史為風霜之任舊制但聞風彈事提綱而已舊書

狄兼謩傳文宗顧謂之曰御史臺朝廷綱紀臺綱正則朝廷理

分修國史

箋舊書武宗紀會昌元年

李德裕奏改修憲宗實錄所載吉甫不善之迹鄭亞希旨削之三年十月宰相監修國史李紳兵部郎中史館

修撰判館事鄭亞進重修憲宗寶錄四十卷頒賜有差

旋值孽童拒詔

集作召謂劉鎮

狂

虜亂華

謂回鶻

副中憲以急宣

木華海賦邊荒遽告王命急宣

佐微臣而

遙護督晉氏遷延之役

左傳諸侯之大夫從晉侯伐秦至于棧林乃命大還晉人謂之

遷延絕戎人偵邏之姦

後漢書南匈奴傳南單于既居西湖亦列置諸部王助為捍戍

皆領部眾為郡縣偵邏耳目北單于惶恐

敢伐善以攘踰

左傳晉獻公欲以驪姬為夫人卜之

其繇曰專之渝攘公之踰注踰美也

固盡誠以養棟

棟通作棘孟子養其楸棘爾雅楸棘棗注

樹小實酢小爾雅棘實謂之棗陸佃埤雅大者棗小者棘酸棗棘也

伏惟皇帝陛下武惟

時夏

詩肆于時夏

文號欽明

書欽明文思

方將虔奉紫泥

漢舊儀天子信

璽六皆以武都紫泥封之西京雜記
恭拜青瑣見為安
漢以武都紫泥為璽室加綠綈其上

豈意遽分專席

謂御史中丞初學記尚書令東漢與司
隸校尉御史中丞皆專席坐京師號曰

三獨

叨賜再麾

謂桂州
刺史

首南服以稱藩

漢匈奴傳
三世稱藩

控西

原而遏寇

詩式遏寇虐西原與祝文
之西原同一事見下狀

塞帷廉部

後漢賈
琮傳舊

典傳車駟駕垂赤帷裳琮為冀州
刺史命察之百城聞風自然殊震

猶恐墜於斯文橫槊

令軍

南史宋桓榮祖曰昔曹公
父子上馬橫槊下馬談咏

實致憂於不武

左傳荀
瑩曰城

小而固勝
之不武

雖期竭力終懼敗官

左傳貪以
敗官為墨

沉俗雜華夷

地兼縣道

見前

文身椎髻漸尉佗南越之餘

說苑諸發
曰翦髮文

身爛然成章以像龍子者將避水神也漢書陸賈傳賈

至尉佗魁結箕踞見賈南粵傳趙佗真定人也秦已滅

即擊并桂林象郡自立為南越武王叩鼓鳴鐘傳士燮交州之態吳士燮

弟並為列郎雄長一州出入網疎則魚漏漢酷吏傳號

鳴鐘磬茹蕭鼓吹車騎滿道網疎則魚漏為網漏吞舟

之繩急則磨驚說文磨磨也陸氏釋文磨亦作磨又作

魚之磨黃氏韻會磨性善驚故從章章者欲經緯以合宜

悼惶也案磨膽甚怯飲水見影輒奔左傳晉成繇曰

經緯天地曰文顧韋弦而匪易韓子西門豹性急佩韋

弦以伏願陛下務修儉德書慎乃儉德廣扇廉風沈約

自急以風拾翠採珠曹植洛神賦或採明珠或拾翠羽漢書

從合浦采珠致產數百萬

不勤異物

書不貴異物賤用物民乃足

驅犀逐象用示

深仁

見孟子

始於問俗之時

魏崔琰傳仁聲先路存問風俗

便獲稱君之

美

禮記善則稱君過則稱己則民作忠東方朔非有先生論退不能揚君美以顯其功

臣亦當求

規水薤

見為濮陽公表

取戒脂膏

後漢書孔奮為姑臧長力行清潔或以為身處脂膏不能

自潤徒益

冀少息於羣

集作疲

黎庶免拘於司敗

見為汝南公表

苦辛耳

三梁路阻

晏殊類要引尋陽記曰三梁山在北有三石梁長廣盈尺險不可度

集作

封遙

晏殊類要引吳錄曰南野縣有大庾山九嶺嶠以通廣州

浮江遇

一作過

楚澤之

萍

家語楚昭王渡江中有一物大如斗圓而赤直觸王舟舟人取之王使使問於孔子孔子曰此萍實也惟

伯者能
獲焉

望國隔番禺之桂

山海經桂林有八樹在番禺東

遐思白鳥鎮

颶音于周固之中

詩王在靈囿白鳥翯翯

遠羨仙莫永固本于堯

階之上

見為濮陽公未

無任感恩望闕結戀屏營之至

為懷州李中丞謝上表

原注武宗按地理志河北道懷州領縣五河內武

德獲嘉武陟修武

又李中丞不知其名據表

云過獎在朝承乏充使將聖代懷柔之德率昆

夷畏慕之心萬里以遙三時而復蓋嘗使吐蕃

而還乃拜懷州之命者案舊書吐蕃傳會昌二

年贊普卒十二月遣論贊熱來告哀詔以將作

少監李璥弔祭之表云三時而還則還期當在

三年之深秋時方命陳許節度使王宰討澤潞

與潞潞逆尊許出全師之語適相符合李中丞

蓋即其人也。或以為李師偃余業武宗紀會昌元年八月回鶻烏介可汗至塞上上表借天德城以安公主仍乞糧儲詔金吾大將軍王會宗正少卿李師偃往其牙宣慰則近在天德何言萬里以遙昆夷乃西戎不得以此斥回鶻時劉從諫尚有澤潞亦未叛皆與未語牴牾李中丞之為李璟無疑矣

臣某言臣伏奉某月日制書授臣某官者天旨下臨星言東驚即以今月某日到任上訖臣某

中謝

臣聞漢分

刺舉之條三河最重

史記田仁傳褚先生曰田仁上書言天下郡太守多為姦利三河尤

甚臣請先

唐制郊圻之數二宅惟均

書中畫郊圻舊書京畿採訪使理京

師城內都畿採訪使理東都城內

況蘇公舊田

左傳王取鄆劉為邲之田于鄭而與鄭人蘇忿

生之田溫原紆吳隰鄆攢茅向盟州陞隲懷注蘇忿生周武王司寇蘇公也凡十一邑皆蘇忿生之田

懷

侯故邑

懷侯未詳鄆元水經注引韓詩外傳曰武王伐紂到邢丘更名邢丘曰懷懷縣故城括地志云

在武陟縣四十一里歷考傳記未有以此為懷國之邑者或引唐叔所分懷姓九宗以實之然懷是姓非國名也九宗在河東亦不在河內當闕疑

太行會險

括地志太行山在河內縣北五里呂氏春秋通乎德

之情則孟門大行不為險矣劉歆遂初賦馳太行之險峻入天井之高關元和郡縣志太行陘在懷州北羊腸所經實

德水通津

漢郊祀志秦文公獲黑龍以為此水為險隘德之瑞更名河曰德水案唐孟州治

河陽縣今為孟縣屬河南懷慶府黃河在縣南二十里即古孟津也

在申畫之時素為清

地語翕張之勢號

一作實

曰要區

老子將欲翕之必固張之

自河上置

軍以幕中分理地雖密邇

左傳以陳蔡之密邇于楚

事異躬親

詩勿躬勿

親庶民勿信

伏惟神聖文武至仁大孝皇帝陛下

此會昌二年所上尊

號

神以運機聖而制變將鎮頑梗更務恢張

皇甫謐三都賦序並

務恢張其文

由是開三壘之新規模復數朝之故事

箋三壘即河陽三城

按三壘初改為州故曰新規模河陽本屬懷州顯慶二年割屬河南府今復屬懷州故曰故事新書地理志河北道孟州建中二年以河南府之河陽河清濟源溫租賦入河陽三城使又以汜水租賦益之會昌三年遂以五縣為州元和郡縣志建中二年置河陽節度使即河陽三城使會昌三年改置孟州治河陽通典北中府城後

魏太和中築東魏元象元年又築南城及中渾城是為
三城孟縣志三城記云河陽北城南臨大河長橋架水
古稱設險南城三面臨河此立水濱中渾城表裏二城
南北相望黃河兩派貫於三城之間南北二城皆有濡
足之志而中渾城然如故齋壇將節漢韓信傳蕭何曰王必欲拜之
許之諸將皆喜人人重加廉郡之雄皂蓋朱幡漢景帝紀令長

吏二千石車朱兩轡千石至六百石朱左轡應劭曰車
耳反出所以為之藩屏翳塵泥也二千石雙朱其次乃
偏其左轡以簾為之或用革轡與轡同音甫元反
後漢輿服志中二千石二千石皆皂蓋朱兩轡各有

為州之貴遙徵三紀書既歷三紀世變風移間有兩人陶某以吏

理當材鄭某以名家正授陶鄭未詳清塵不遠盧諶贈劉琨詩序自奉清

塵於今

餘烈猶存頌條之寄

注見前

繼組為難

說文組綬屬詳見祭

文

若臣者品以勲升官由賞達徒慕益恭之美

左傳正考父佐

戴武宣三命茲益共故其鼎銘云一命而僂再命而偃三命而俯循牆而走亦莫余敢侮僮于是弼于是以劬

余口其共

以承猶宥之恩

見為京兆公表

過獎在朝承乏充使

左傳攝官承乏

將聖代懷柔之德率昆夷畏慕之心

詩昆夷駟矣焚昆夷

西戎也

萬里以遙三時而復副介不離於痼疾

一作疾故劉楨詩余

嬰沈痼疾竄身清漳濱自夏涉玄冬彌廣盈十旬

故人

一作人從是免嘆于凋零敢

矜跋涉之勞

詩靡風大夫跋涉我心則憂

自被生成之賜

吳諸葛瑾傳蒙生成

之福 豈謂皇帝陛下謂能專對遠委牧人仍其柏署之雄

見兗州 謝上表 賜以竹符之重 見為汝 南公表 遂使霍氏固辭之第 漢

去病傳上為治第令視之對 早建雙旌 新書百官志節 度使賜雙旌雙

節行則建節樹六纛儲光義詩今之太守古諸侯出入 雙旌垂七旒 案雙旌惟節度領刺史者有之諸州不與

焉今則通用為 于公必大之門 漢于定國傳始定國父 太守之故事矣 于公其閭門壞父老方

共治之于公謂曰少高大門閭令容駟馬高蓋車我治 獄多陰德子孫必有興者至定國為丞相永為御史大

夫封侯 更屯五馬 遊齋間覽漢制太守駟馬其加秩 傳世云 中二千石乃右驂故以五馬為貴 賢

無所象 書惟稽古 分可自量 漢張安世傳免冠頓首曰 崇德象賢 誠自量不足以居大位

入祖廟而歔驚瞻父堂而益懼

書若考作室既底法厥子迺弗肯堂矧肯構

沉淪潛逆孽許出全師

舊書武宗紀會昌三年九月下制討劉稹以陳許節度使王宰

充澤潞南面招討使

集作此州兵橫制戎境兼聲勢之任有資

扉之頒

一作頒左傳申侯曰師老矣若出于陳鄭之間共其資糧扉屨其可也

謹當懋舉

詔書聽求人瘼

後漢循吏傳廣求民瘼

思理行之第一誠媿昔賢

漢張敞傳潁川太守黃霸以治行第一入守京兆尹

奉忠孝於在三亦惟先訓

晉語

樂共子曰人生於三視之如一父生之師教之君食之

苟憊素誓則有神明伏遠

雲天已逾旬朔

魏鍾會傳注王弼答荀融書隔踰旬朔

獻封人富壽之祝

未卜其時

莊子堯觀乎華封人曰請祝聖人使聖人壽富多男子堯曰辭多男子則多懼富則多事

壽則多辱

懸子半江海之思莫知其極

見為京兆公表

無任感恩攀

戀闕庭之至

李義山文集箋註卷一

欽定四庫全書

李義山文集箋註卷二

監察御史徐樹穀箋

山東提學僉事徐炯註

表下

為榮

當作濮

陽公賀幽州破奚寇表

箋此王茂元帥陳許時作也案

鄭亞於宣宗大中元年二月以給事中出刺桂州英華作榮陽公誤新書會昌二年九月以張仲武為幽州盧龍軍節度使檢校工部尚書會同鵠特敕那頡頏擁赤心部七十帳逼漁陽仲

武使其弟仲至與別將游奉襄等率銳兵三萬破之獲馬索駝旗纛不勝計遣吏獻捷進檢校兵部尚書舊書奚國盖匈奴之別種也居鮮卑故地在京師東北四十餘里東接契丹西至哭厥南拒白狼河北至靺鞨勝兵三萬餘人分為五部每部置俟斤一人

臣某言臣得本道進奏官某狀報某月日幽州節度使張仲武奏破奚北部落及諸山奚除舊奚王匿耶所管外殺戮首領丁壯老幼并殺戮羊牛焚燒車帳器械等

計二十萬刺史已下面皮一百具

史記刺客傳聶政因自皮面抉眼索隱皮

面謂以刀剥其面皮欲令人不識晉朱伺傳馬雋妻子先在壘內或請皮其面以示之伺曰殺其妻子不能解

聞但益其怒耳北史齊後主紀或殺人剥面皮而視之

耳二百雙

詩傳馘獲也不服者殺而獻其

左耳

曰戰奚車五百乘羊一萬口牛一千五百頭者天聲遠

疊

班固封燕然山銘振大漢之天聲

廟略遐宣

晉羊祜傳詔曰外揚王化內經廟略

白虜

獲於寧臺

晉苻堅傳秦人呼鮮卑為白虜戰國策樂毅報燕昭王書曰齊器設於寧臺

赤夷

俘於燕路

杜氏通典東夷九種有黃夷白夷赤夷玄夷孔融書士將高翔遠引莫有北首燕路者矣

臣某

中賀

臣竊窺舊史逖聽前朝

司馬相如封禪文逖聽者風聲

有天

子憂邊清宵輟寐

漢文帝紀詔曰間者累年匈奴並暴邊境多殺吏民今朕夙興夜寐勤勞

天下憂苦萬民為之惻怛不安

將軍出塞白首言歸

後漢班超傳超妹昭上書請超曰超

今且七十衰老被病頭髮無黑敢觸死句超餘年書至
秦徵超還超在西域三十一年至洛陽病遂加卒

乃或勝或奔一彼一此

左傳趙孟曰疆場之事一彼一此何常之有

竟困塞

郊之析那停絕漠之烽

漢與幕同漢武帝紀衛青復將六將軍絕幕注臣瓚曰沙土日

幕直度曰絕師古曰幕者卽今之突厥中磧耳李陵歌云經萬里兮度沙漠賈誼傳注師古曰晝則燔燧夜則舉烽詳見下為中丞賽神文猶欲敘烈旂常告功桃廟

禮記王立七廟遠廟為桃

用其暫勝謂曰難能況幽朔巨都

書宅朔方曰幽都

全燕重地

晉石勒傳勒使徐光讓王浚曰跨全燕哭騎之鄉

薦臻奚寇猾亂華人田讓之

護鮮卑莫能深入

魏田豫傳豫字國讓漁陽雍奴人也文帝初使豫持節護烏桓校尉牽招

解為并護鮮卑為校尉九年其御夷狄恒推抑兼并乖散強猾按唐初修前代之史凡犯廟諱者一名則稱

其字劉淵曰劉元海石虎曰石李龍是也二名則去其

一蕭淵明曰蕭明韓擒虎曰韓擒是也義山為文亦遵

其式代宗諱豫故此表以田豫為田讓稱字之例也孝

敬皇帝諱弘故會昌一品集序以周弘正為周正去一

之例也苟非有為而然則古人祭彤之軍遼水惟遣相

之名固未可任意為翦截矣

攻後漢祭彤傳彤拜遼東太守以三虜連和卒為邊害

乃招呼鮮卑其大都護偏何遣使奉獻彤曰審欲立

功當歸擊匈奴其後歲歲相攻執送首級受賞賜自是邊無寇警近歲以來為患滋甚

走單于偵邏之路見謝懷駒支漏泄之姦左傳晉將執戎子駒支范

宣子親數諸朝曰來姜戎氏今諸侯之事我張仲武重

寡君不如昔者蓋言語漏泄則職汝之由

次定四庫全書

李義山文集箋註

三

感國恩習知邊事

箋新書張仲武范陽人會昌初為雄武軍使遣其屬吳仲舒入朝請以本

軍擊回鶻李德裕因問北方事仲舒曰仲武通書習戎事乃擢兵馬留後而詔撫王領節度即拜副大使同

三師而肄楚

左傳吳子問於伍員曰伐楚如何對曰若為三師以肄焉一師至彼必皆出彼出則

歸彼歸則出楚必道敝

倅五餌以間戎

漢賈誼傳贊曰欲試屬國施五餌三衣以係單于注

師古曰賈誼書賜之盛服車乘以壞其目賜之盛食珍味以壞其口賜之音樂婦人以壞其耳賜之高堂邃宇倉庫奴婢以壞其腹於來降者上以召幸之相娛樂親酌而手食之以壞其心此五餌也乘其踴情

之時俄得翦除之便

晉袁宏傳贊曰翦除荆棘

燕犀密掛

周禮考工記曰函人

為甲犀甲七屬壽百年又曰燕之無函也非無函也夫
人而能為函也徐陵與王僧辨書躍冀馬者千羣披燕

犀者冀馬潛羈

左傳冀之北土馬之所生後漢劉表傳贊曰雲屯冀馬

超距投石

者動過千羣

史記秦王翦擊荊荆兵數挑戰終不出久之翦使人問軍中戲乎對曰方投石超距

翦曰士卒可用矣

戟手科頭者略踰萬計

張衡西京賦桓楊戟手奎踰盤桓善曰左

傳云戟其手也史記張儀說韓王曰虎賁之士跣跣科頭貫頤奮戟者至不可勝計集解科頭謂不著兜鍪入敵索隱兩手捧頤而直入敵又有執戟者奮怒而趨入陣也徐陵九錫文他他籍籍萬計千羣坎三鼓

而河流自却

詩坎其擊鼓左傳曹劌曰夫戰勇氣也一鼓作氣再而衰三而竭彼竭我贏故克之

淮南子武王渡孟津而陽侯之波逆流而擊疾風晦暝武王舉黃鉞麾之風去而浪息遂得渡聲六校

而屋瓦皆飛

漢陳湯傳即日引軍分行別為六校史記趙世家秦軍軍武安西鼓譟勒兵武安屋

瓦盡振後漢光武紀莽兵大潰走者相騰踐會大雷風屋瓦皆飛

自是鴉懼喪林

詩翻彼飛

鴉集于泮林

免忙迷穴

戰國策馮煖曰狡兔有三窟僅得免其死耳

無舟掬指左傳

邨之戰中軍下軍爭舟舟中之指可掬也

有地僵尸

張衡西京賦尸僵路隅

未驚紫陌

之烏前軍已盛

御覽引北史齊世辨性怯武平末為開封府帥入鄴令千餘騎登高阜西望遠

見羣鳥飛起謂是兩京旗幟即馳還比至紫陌橋不敢反顧詳下啓

不喚淮山之鶴後隊

仍窮

淮山謂八公山晉謝玄傳苻堅進屯壽陽列陣臨淝水玄以精銳八千決戰淝水南堅中流矢臨陣

斬苻融載記苻堅與苻融北望八公山上草木皆類人形寢宇記八公山一名淝陵山在壽州壽春縣詳見下

文

遂分袁尚之頭顧

後漢書袁尚與操軍戰敗奔公孫康於遼東康曰卿頭顧方行萬里

遂斬首送之

仍裂蚩尤之肩髀

史記集解皇覽曰蚩尤冢在東平郡壽張縣闕鄉城中高

七丈民常十月祀之有赤氣出如足絳帛民名蚩尤旗有髀冢在山陽郡鉅野縣重聚大小與闕冢等傳言黃

帝與蚩尤戰於涿鹿之野黃帝殺之身體異處故別葬之

穹廬落燼

漢匈奴傳匈奴父子同穹廬卧

同甲揚灰

管子同甲十萬注同甲謂堅完齊等

山積雲屯大收其車乘

後漢

劉盆子傳赤眉降積兵甲宜陽城西與熊耳山等

角羸耳濕盡獲其牛羊

易羝羊觸

藩羸其角詩爾牛來思其耳濕濕

柳水載澄

柳水未詳案新書地理志營州柳城縣西北接奚北

接契丹柳水疑當在縣界水經注水狼水又東北遼龍山西燕慕容暉以柳城之北龍山之南福地也

桑

河無事

水經注濕水出鴈門陰館縣東北過代郡桑乾縣南又東北流左會桑乾水並受通稱又東過

涿鹿縣北又東南出山過廣陽薊縣北又東至漁陽雍奴縣西入筍溝明一統志盧溝河在順天府西南本桑乾河俗呼渾河亦曰爰施吉語漢陳湯傳湯知烏孫无小黃河以流濁故也合不能久攻屈指計其日曰不出五日當有吉語入解皇威潘岳西征賦兵此閒居四日軍書到言已解舉而皇威暢

皆皇帝陛下功格上玄

揚雄甘泉賦惟漢十世將郊上玄

運膺下武

詩

武惟

授茲成算

隋柳彧傳表曰俱稟成算非專已能

於彼當仁

見論語

震肅

九圍

詩帝命式于九圍

歡呼萬國昔艱難云始胡城首起於盧

龍

謂祿山之變魏田疇傳舊北平郡治在平岡道出盧龍達於柳城新書地理志平州治盧龍縣今直隸永

平府治是也

今開泰有期

晉顧榮傳上牋曰羣生有賴開泰有期

漢將先清於

涿鹿

史記黃帝與蚩尤戰於涿鹿之野注張晏曰涿鹿在上谷按漢志上谷郡有涿鹿縣應劭以為黃帝

與蚩尤戰於此上谷今為直隸宣化府故宣府鎮地也

人謀允若

易人謀鬼謀書帝曰俞允若茲

靈貺昭然

後漢光武紀贊曰靈貺自甄

固已上慶祖宗下光編策錄

圖洪範競三古之殊尤

河圖挺佐輔黃帝至於翠鳩之川魚汎白圖蘭葉朱文以授黃

帝名曰錄圖書天乃錫禹洪範九疇彝倫攸叙漢書藝文志世歷三古司馬相如封禪文未有殊尤絕跡可考

於今玉檢金泥有百神之靈祐

漢武帝紀登封泰山注孟庸曰刻石紀號有金

策石函金泥玉檢之封馬後漢王霸傳霸謝曰此明公至德神靈之祐也

臣雖當防遏不介

邊陲空增氣於懦夫實叨榮於下將日圍千里

北堂書鈔春秋

元命苞曰日徑千里徐整長

天蓋九重

宋玉大言賦方地為車圓天為

蓋楚辭天問曰圓則九重孰營度之

奉一月之捷書惟知抃蹈

詩一月三捷

獻

萬年之壽酒尚隔班行

史記高祖紀九年大朝諸侯羣臣置酒未央前殿高祖奉玉卮

起為太上皇壽殿上羣臣皆呼萬歲

念風水於遐藩

南史宋武帝紀因風水之勢晉四夷傳云

視熊謂使者曰迎天子於西京以盡遐藩之節

寄夢寐於宣室

漢賈誼傳文帝思誼徵之及入

見王方受

無任望闕結戀之至

為河南盧尹賀上尊號表

原注武宗 箋舊書武宗紀會昌五年春正月

已酉朔宰臣李德裕杜悰李讓夷崔鉉太常卿孫簡等率文武百寮上徽號曰仁聖文武章天

成功神德明道皇帝新書明道下有太孝二字
此表亦有之蓋舊書傳寫者之遺脫耳京兆河

南太原各置尹
一員從三品

臣某言臣得本道進奏院狀知宰臣某等奉上尊號以

光洪休耀列聖之睿圖

顏延之詩睿圖炳睟隋薛道衡傳高祖文皇帝頌曰尚想叡圖

表三宮之慈

集作義

訓

晉后妃傳詔曰朕少遭憫凶慈訓無稟

凡在生物孰

不歡心臣某

中賀

臣聞善言天者必推功於廣履善言

日者必詠德於大明然後物仰玄穹

晉載紀胡義周作頌曰仁被蒼生德

格玄人知景曜

後漢鄧后紀劉毅上書曰敷宣景曜勅勲金石

皇王擬象今古

同規伏惟仁聖文武章天成功神德明道大孝皇帝陞

下體天垂蔭法日流

英華作輪

輝弘上德以纘戎

老子上德不德是以

有德詩纘戎祖考

啓下武而膺運頃從臨御旋致治平兩塊風

條時推順適

西京雜記董仲舒云太平之時雨不破塊風不搖條開甲破萌而已

苗螟葉

蟥坐致銷亡

詩去其螟螣及其蝥賊傳食心曰螟食葉曰螣食根曰蝥食節曰賊陸氏釋文螣字

亦作蚤徒得反說文作蟥

是以銀甕石碑

見下為汝南公表

非烟浪井

史記若烟

非烟若雲非雲郁郁紛紛蕭索輪囷是謂卿雲瑞應圖王者清淨則浪井出

神而告瑞史不

絕書

左傳女叔侯曰史不絕書府無虛月

且獯鬻為災

漢匈奴傳唐虞以上有山戎獯允薰

鬻居於北邊

周秦乏策

見為濮陽公表

金行火運不絕於侵陵

晉書董養

曰白者金色國之行也漢高帝紀注臣瓚曰漢承堯緒為火德

瀚海陰山幾渝於約誓

漢匈奴傳驃騎封於狼居胥山禪姑衍臨瀚海而還又郎中侯應曰北遼塞至遼東外有陰山東西千餘里是其苑而敢乘衰運來犯昌期陛下乃赫以天威

詩王赫斯怒左

傳天威不遠顏咫尺

授之宏略

晉應詹傳疏曰頃者大事之後遐邇皆想宏略

一伐而單

于僅免三鼓而貴主來還滅大邦之仇讐

詩蠹爾蠻荆大邦為仇

據累聖之忿憤

班固封燕然山銘將上以據高文之宿憤

箋舊書武宗紀會昌元年八月回

鶻烏介可汗遣使告難言本國為黠戛斯所攻故可汗死今部人推為可汗緣本國破散今奉太和公主南投

大國時烏介至塞上大首領嗚沒思與赤心宰相相攻殺赤心率其部下數千帳遁西域天德防禦使田年以聞烏介又領其相頡于迦斯上表借天德城以安公主仍乞糧儲牛羊供給金吾大將軍王會宗正少卿李師偃往其牙宣慰令放公主入朝賜粟二萬碩三年二月劉沔奏非率諸道之師至大同軍遣石雄襲回鶻牙帳雄大敗回鶻于殺狐山烏介可汗被創而走已迎得太和公主至雲州是日御宣政殿百寮稱賀及晉

陽逐帥代馬新羈

後漢班超傳疏曰代馬依風

陛下又濬發宸襟委

諸廟畫浹辰而前軍就路

左傳浹辰之間注浹十二日也

逾月而元惡

膏礎

礎本作榘史記范雎曰臣之胷不足以當榘質要

斟俗從石作礎腰斬者以榘為籍以斧斫之如剉靜豐

卓然故陳餘遺章耶書云身伏鉄質質或作鎖

沛之遺疆

漢高帝紀豐沛邑中陽里人也

舉唐堯之故俗

詩序此晉也而謂之唐本

其風俗憂深思遠儉而用禮乃有堯之遺風焉按晉陽本唐堯所封高祖襲封唐國公由太原起義兵而有天

下故云

箋舊書武宗紀會昌三年討劉稹十二月橫

水軍至太原便催上路軍人以歲將除欲候過歲期既

速軍情不悅都頭楊弁乘士卒流怨激之為亂四年春

正月乙酉朔楊弁逐太原節度使李石壬子河東監軍

使呂義忠收復太原生擒楊

蕞爾潞子

謂劉從諫左傳子產曰抑諂曰

弁盡斬其亂卒百寮稱賀

復生孽童

謂劉脫縑冀恩表

按潞州本春秋潞子國

請授止樞拒詔

拒旨不護喪歸洛

據九折之險

漢地理志上黨壺關縣有羊腸

坂呂氏春秋九山有太行羊腸高誘曰羊腸其山盤紆如羊腸在太原晉陽地焦氏易林羊腸九縈有五

州之人

舊書地理志

治潞州領潞澤邢名磁五州

藪澤逋逃

書為天

主萃

藪糞土租稅

後漢袁紹傳輕榮財於糞土

陛下又遠揚神斷深詔

徂征

書帝曰咨禹惟時有苗弗率汝徂征

合鎮魏之強藩

謂成德王元逵魏博何弘敬

出韓彭之銳將

謂劉沔王茂元等後漢謝該傳韓彭之將征討亂暴

夷其巢窟

謝

玄傳疏曰

去彼根株

漢趙廣漢傳郡中盜賊閭里輕俠其根株窟穴所在及吏受取請銖

兩之奸皆知之戰國策張儀說秦王曰削株掘根無與禍鄰禍乃不存

清明皇之舊宮

舊書

玄宗紀景龍二年兼潞州別駕開元十一年幸并州潞州五年別改其舊宅為飛龍宮

復金橋之

故地

玉海地志金橋在上黨南二里常有童謡云聖人執節度金橋景龍三年十月二十五日玄宗經此

橋之魯非曠歲集此丕功箋舊書會昌三年四月昭義節度使劉從諫卒三軍以從

諫姪積為兵馬留後上表請節鉞尋遣使齎詔潞府令積護從諫之喪歸洛陽積拒朝旨劉積傳詔以成德王

元遠魏博何弘敬為招討使與河東劉沔河陽王茂元合兵討之四年七月大將郭誼斬積傳首京師地理志

成德軍節度使治恒州領恒趙冀深四州魏博節度使治魏州管魏貝博相潭衛六州河東節度使治太原府

管汾遼沁嵐石忻憲等州固已至化潛融事光於玉版徐陵碑皇帝以陶唐啓國

致玉版於河宗詳見下文玄機獨運晉慕容垂傳堅報曰玄機不弔理溢於瑤編况

又志切希夷老子視之不見名之曰夷聽之不聞名之曰希道存沖漠楊子太玄沖漠

無朕慕遺蹤於姑射載動堯心思順請於崆峒欲勞軒拜

莊子堯見四子藐姑射之山汾水之陽窅然喪其天下
又黃帝聞廣成子在於崆峒之上故往見之黃帝順下
風膝行而進再拜稽首而問
遠推集作聖祖再佇神孫
新書天寶二年加號玄元

皇帝曰大聖神享於玄元宮追號大聖祖父周上御大
夫敬曰先天太皇答緣曰德明皇帝涼武昭王曰興聖
皇帝改西京玄元宮曰**俾異法皆祛多門就掩麟殿正**
太清宮東京曰太微宮

玄元之座

舊書文宗紀上降誕日僧徒道士講論於麟
德殿上謂宰臣曰降誕日設齋起自近遠朕

緣相承已久未可便革按舊時釋居道上
今武宗去釋氏故玄元得正其位

鳳書招黃老之

徒

陸翹鄴中記石虎詔書以五色紙銜木鳳皇口中飛
下端門舊書武宗紀會昌元年三月造靈符應聖院

於龍首池六月以衡山道士劉元靖為銀青光祿大夫
充崇元館學士賜號廣成先生令與道士趙歸真於禁

中修法錄 箋舊書武宗紀會昌四年三月以道士趙
歸真為左右街道教授先生時帝志學神仙師歸真歸
真乘寵每對排毀釋氏言非中國之教蠹耗生靈盡宜
除去帝頗信之七月澤潞平五年春正月己酉朔勅造
望仙臺於南郊壇趙歸真遂與道士鄧元起劉玄靖排
毀釋氏而拆寺之請行焉凡天下所拆寺四千六百餘
所還俗僧尼二十六萬五百人收充兩稅戶拆招提蘭
若四萬餘所收膏腴上田數千萬頃收奴婢為兩稅戶
十五萬人諫僧尼屬主客顯明外國之教勒大秦穆護
祇二十餘人還俗不雜中華之風按祇虛焉切讀若軒
胡神將以休有萬靈臨茲兆衆使咸踐壽昌之域俱游
名也

富庶之鄉巍乎煥乎盛矣美矣故得人祇協欲華夏均

懷願加尊顯之稱

說苑無以尊顯吾親

以報財成之美

易后以財成天地之

道宰臣等果能陳大義允建

一作進

鴻名

相如封禪文前聖所以永保鴻

名而常為稱首

伊尹暨湯咸有一德

書惟尹躬暨湯咸有一德

咎繇謨禹克

纘九功

漢百官公卿表咎繇作士師古曰咎音臯繇音弋昭反書九功惟叙

述盡善於王

猷

詩王猷允塞

標具美於帝籙

陸機漢高祖功臣頌沈跡中卿飛名帝籙

南山稱

壽

詩如南山之壽不騫不崩漢武帝紀元封元年詔曰親登嵩高咸聞呼萬歲者三又太始元年登之罘浮

大海山北辰降光

初學記荊州星占曰北辰之名天闕一名北極北極者紫宮天座也漢郊

祀歌體招搖若永望星留俞塞隕光師古曰俞答也言衆星留神咎我饗薦降其光耀四面充塞也永終

於一作無極之年

沒冢周書道天莫如無極

長奉上清之號

初學記上清天三君

列紀經曰上清真人姓桓字芝乃中皇時人也

臣幸丁昌運方守洛京空深戀

闕之誠不在稱觴之列舉頭見日雖悲千里之遙側管

窺天且慶百年之幸

莊子以管窺天以錐指地東方朔答客難以管窺天以蠡測海無

任徘徊望闕蹈舞踴躍之至

代安平公華州賀聖躬痊復表

原注文宗書文宗紀大和七

年十二月幸望春宮聖體不康八年正月癸丑朔丁巳聖體痊平御太和殿見內臣甲子御紫

宸殿見

羣臣

臣某言今月某日得本道進奉院報以聖躬痊和右僕

射平章事臣涯

王等

箋舊書王涯字廣津太原人貞元八年進士擢第登宏詞科李訓事

敗斬獨柳下

奉見聖躬訖社稷殊祥生靈大慶臣忝分朝寄

四奉國恩無任抃舞踴躍之至臣聞天普覆也應運而

健若龍行

易天行健

日至明焉有時而氣如虹貫

戰國策白虹貫日

伏惟皇帝陛下道超普覆迹邁至明思社稷

集作社

之靈

惟德是輔

書皇天無親惟德是輔

念蒸黎之廣以位為憂

見為安平公表

求衣未明

漢鄒陽傳孝文皇帝據闕入立寒心銷志未明求衣

觀書乙夜

顏延之五君詠

觀書鄙章句北堂書鈔引東觀漢紀

茲者甲夜讀書乙夜講經箋通鑑唐文宗嘗謂左右曰若不甲夜視事

乙夜觀書何壽域既臻於躋俗漢王吉傳疏曰歐一世

大庭微闕於怡神

漢嚴助傳南越王願伏北闕望大庭以報盛德後漢李膺傳荀爽書曰願

怡神無事是以自北陸送寒左傳申豐曰古者暨佇禹

會

見為汝南公表

及東郊迎氣

禮記立春之日天子親帥三公九卿諸侯大夫以迎春于東郊

後漢章帝紀始行月令迎氣樂

爰復堯咨

書堯典帝曰咨汝羲暨和又曰咨四岳

四海方

來百辟咸在六幽雷動

見為汝南公表

萬壽山呼

漢書武帝在嵩山聞呼萬

歲者

惟臣獨以一麾載離雙闕

並見前

犬馬之微誠徒切

李密陳情表臣不勝犬馬怖懼之情

駕鴻之舊列難階

隋劉炫傳自為贊曰齊鑣驥騄比翼

鵠提郡印而通宵九驚對使符而一食三起

後漢蘇不
韋傳李嵩

大驚懼乃以版藉地一夕九徙呂氏
春秋禹一食而三起以禮有道之士

今辛巳俗臻殷富

年比順成

禮記八蜡以記四方四
方年不順成八蜡不通

伏惟稍簡萬幾

書一
日二

日萬

以迎百福託調燮於彼相

書惟茲三公論道
經邦燮理陰陽

責綏

撫於列藩承九廟之降祥副兆人之允望某不勝悽悽
慊慊之至謹差某奉表陳賀以聞

為汝南公賀元日御正殿受朝賀表

箋武宗會昌
二年正月以

彗星既滅復御正殿舉元會之禮時周墀在
華州是表與前賀彗星不見表相繼而上也

臣某言臣得本州進奏院狀報稱元日皇帝陛下御舍

元殿受朝賀者上正三辰

謂星變減除

下臨萬國

謂元正朝會

事

雖舉舊命則維新臣某

中賀

臣聞聖祖垂訓王者處域

中之尊

老子道大天大地大亦大域中有四大而王居其一焉

公羊紀時春者為

一歲之始

公羊傳元年春王正月元年者何君之始年也正月者何歲之始

載稽故實

抑有典章近歲以來此禮多闕或事因惜費或時屬告

休

箋按舊書文宗紀太和五年以積陰決旬罷元會六年以久雪罷開成五年上不受朝賀故云

伏

惟皇帝陛下道被無垠

漢賈誼傳塊軋無垠

政敷有截

詩海外有截

全

取發生之德

梁元帝纂要春日青陽亦曰發生

無非訢合之仁

禮記天

蒼昊降符

爾雅春為蒼天夏為昊天

黃輿告瑞

易天玄而地黃又坤為大輿

石碑

既見文作太平

石碑未詳按魏青龍三年張掖刪丹縣有寶石負圖白畫成文晉泰始四年氏

池縣大柳谷口有玄石一所白質成文又唐武德三年郇州獻瑞石有文曰天子萬年事頗相類若吳孫皓時

歷陵石印封發其文曰四世治太平始乃皓使者所偽作亡國之事恐非其引銀甕旋臻事成

萬歲

孝經援神契銀甕不汲自隨不盛自盈孫氏瑞應圖王者宴不及醉刑罰中則銀甕出

而又

憂勤不輟克責方深精誠旁達於八紘

淮南子八紘之氣是出寒暑八

紘之外乃有八極之雲是雨天下

懇惻上通於九廟

見前

仙厨撤味

漢武

內傳上元夫人老君弟子也元封元年七月七日夜西

王母降命侍女郭密香邀夫人同宴俄而夫人至夫人

設廚廚獸館休畋揚雄長楊賦序上將誇胡人以多禽

亦精珍獸載以檻車輸長楊射熊館雄從至

射熊館還上漢書音義妖星曰孛

長楊賦以諷星彗星長星亦曰攬

搶爾雅云壽星角亢也變小饑為酺飲穀梁傳二穀不升謂之饑

酺之為言布也王德布于漢文帝紀酺五日師古曰

天下合而聚飲食為酺慶由聖感令屬神行爰在新

正式修闕典彤庭列位西都賦玉除彤庭丹陛陳儀凝旒而天

啓其門大戴禮古者冕而前旒所以蔽服袞而日升于

明也漢郊祀歌天門開詠蕩蕩

觀周禮享先王則袞冕注袞

卷龍衣也日觀注見前

巽風發越易隨風巽君子

以申命行事

解澤滂沱

易雷雨作解君子以赦過宥罪詩月離于畢俾滂沱矣

左右賢臣駿奔

多士

詩實左右商王又濟濟多士秉文之德對越在天駿奔走在廟

國無諛佞擢靈草

而不搖

帝王世紀黃帝時有草生于庭倭人入則指之名曰屈軼

朝絕姦邪儼神羊

而莫動

說文解鳥神奇之獸一名任法狀如羊古者決訟令之以觸不直後漢與服志解鳥神羊也論

衡解鳥一角羊也青色四足能知曲直獄疑者令羊觸之

禮成而退物有其容

左傳屠蒯

曰事有其物物有其容

足以光耀瑤圖

徐陵檄周文主上恭膺寶歷嗣奉瑤圖

丹青

玉版

王子年拾遺記堯聖德光洽河洛之濱得玉版方尺圖天地之形

耀前映後邁五

登三

見賀表

臣竊訪碩儒

吳志華覈傳皆名學碩儒乃任其職

遠徵舊典帝

堯華封之祝惟止匹夫神禹塗山之儀且非元會然猶

堯有多憂之戒

並見前

禹存後至之誅

家語孔子曰昔禹致諸侯于會稽之

山防風氏後至禹殺儻之

在和平而尚乖孰歡呼之可致豈與茲日

而得同年臣方守河潼

文選河潼注向曰河潼二水名

正分符竹不獲

躬承玉帛首率梯航

顏延之序梯山航海踰沙軼漢之貢

况又嘗以藝文

叨居禁密雖遠離天上猶近闕西抃賀空深就望無所

心馳紫闥

曹植表注心皇極結情紫闥

非夢寐而不通魂繞皇闥

傳咸

詩明明闕皇闥

羨歸飛而莫及無任荷恩祝壽戀闕屏營之至

為濮陽公論皇太子表

箋此茂元鎮涇原時上也
舊書文宗紀開成三年九

月壬戌上以皇太子慢游敗度欲廢之移太子
于少陽院殺太子宮人左右數十人冬十月庚
子太子薨于少陽院文宗二子傳莊恪太子永
文宗長子也母曰王德妃太和四年封魯王六
年冊為皇太子開成三年暴薨時傳云太子德
妃之出也晚年寵衰賢妃楊氏恩渥方深懼太
子他日不利於已故日加誣譖太子終不能自
辨明也太子既薨上意追悔因會寧殿宴小兒
緣檀有一夫在下憂其墮地若狂者上問之乃
其父也上因感泣謂左右曰朕富有天下不能
全一子遂召樂官劉楚材宮人張十十等
責之曰陷吾太子皆爾曹也立命殺之

臣某言今月某日得本道進奏院狀報今月六日宰臣

鄭某等

時鄭軍為首相

率三省官屬

新書職方志尚書省中書省門下省是為三省入

論皇太子事者

文宗二子傳開成三年上以皇太子宴遊敗度不可教導將議廢黜特開延英

召宰臣及兩省御史臺五品已上南班四品已上官對宰臣及衆官以為儲后年小可俟改過國本至重願寬宥御史中丞狄無謩上前雪涕以諫詞理懇切翌日翰林學士六人洎神策六軍軍使十六人又進表陳論上意稍解其日一更太子歸少陽院中人張禡魄疆場伏克已等數十人連坐至死及剝色流竄乞國仁傳論曰

馳魂輦轂

曹植表入侍輦轂

莫知本末伏用驚

惶臣某

中謝

臣聞禮贊元良

禮記一人元良萬邦以貞世子之謂也

易標

明兩

易明兩作離大人以繼明照于四方

是司七鬯

易不喪七鬯

以奉宗祧

周禮

小宗伯辨廟祧之昭穆左傳叔向曰寡
君敢拜齊君之安我先君之宗祧也
華夏式瞻邦家

大本

漢叔孫通傳通曰太子天下震動

自昔質文或異步驟雖

殊

後漢崔實傳步驟之差各有云設

既立之以賢則輔之有道北宮養

德

梁簡文帝答徐摘書山濤有言東宮養德而已

東序承榮

禮記文王世子曰始立學者既興器

立幣然後釋菜

務近正人

漢賈誼傳太子乃生而見正乃退儻于東序

皆正人

用光繼體殺梁傳承明繼體則守文之君也史記外戚世家自古繼體守成之君

周

則周公為太傅太公為太師

漢賈誼傳昔者成王幼在襁抱之中召公為太保周

公為太傅太公為太師

漢則疏氏二賢

漢書地節三年立皇太子疏廣為太傅兄子受為少

傳其後乞骸骨歸道路
觀者曰賢哉二大夫

商山四老

史記高祖欲易太子及宴置酒太子侍東

園公角里先生綺里季夏黃公從太子年皆八十餘鬚眉皓白上大驚曰煩公等卒調護太子內揚孝

道外盡忠規猶在去彼嫌猜辨其疑似不由微細輕致

動搖乃得守三十代之不圖

左傳成王定鼎於郊鄆卜世三十卜年七百

延

四百年之景祚

後漢書獻帝紀贊曰終我四百永作虞賓張衡傳衡謂崔瑗曰吾觀太玄方知

子雲妙極道數漢家得天下二百歲之書也復二百歲殆將終乎所以作者之數必顯一世常然之符也漢四百歲玄其興矣注子雲當哀帝時著太玄經自漢初至哀帝二百歲自中興至獻帝一百八十九年也著

於史冊煥若丹青

揚子法言聖人之言明若丹青也

伏惟皇帝陛下道

冠百王功高三古事窺化本謀動機先皇太子自正位

春坊

新書百官志左春坊左庶子二人正四品

傳輝望苑

漢武五子傳戾太子據元狩五年立

為皇太子及冠上乃為立博望苑使通賓客

陛下旁延俊乂

晉張華傳劉卞曰東宮俊乂如

林

以贊溫文

禮記三王教世子必以禮樂是故其成也懌恭敬而溫文

並學探淵源

班固典引與之斟酌道德之淵源

氣壓浮競

晉賈充傳浮競之徒莫不盡禮事之箋文宗二子

傳上以魯王年幼思得賢傳輔導之因以戶部侍郎庾敬休守本官兼魯王傳太常卿鄭肅兼王府長史戶部

郎中李踐方兼王府司馬尋冊為太子以王起陳夷行為侍讀

嗜魚不進

賈誼新書文王使太公望

傳太子發嗜鮑魚公不與

求玦莫從

魏文帝與鍾大理書近日南陽宗惠叔稱君侯昔有美玦乃不

忽遺嘉貺益
腆敢不欽承

有王褒之獻箴

初學記周王褒太子箴曰庶僚司箴敢告閤寺無

卞蘭之奏賦

魏卞蘭讚太子賦竊見所作典論及諸賦頌奉讀無倦

今縱麤乖睿

旨微嚙聖心

嚙音銜說文嚙口有所銜也史記佞幸傳太后由此嚙媽集解徐廣曰嚙與銜通

當以猶屬妙齡未加元服

儀禮月令吉辰始加元服或攜徒御詩徒

驚時縱逸游樂野夏儲亦常觀舞

山海經大藥之野夏后啓于此舞九代馬

乘兩南皮魏副屢見飛觴

魏文帝與吳質書每念昔日南皮之游誠不可忘善曰漢

勃海郡有南皮縣

陛下睿發慈仁殷勤指教

晉宗室傳張方受其指教稍踰

規戒即震威靈雖伐木析薪必循其理

詩小弁之篇曰伐木椅矣析薪柶矣

舍彼有罪予之佗矣傳伐木者摘其顛析薪者隨其理
箋摘其顛者不欲妄蹈之隨其理者不欲妄挫折之以
言今王之遇太子而逝梁發荀亦有可虞詩無逝我梁

不如伐木析薪也

而逝梁發荀亦有可虞

詩無逝我梁無發我荀箋

逝之也之人梁發人苟此必有盜魚之罪以言褒如淫
色來嬖於王盜我太子母子之寵按此聯之意蓋以宜

白喻太子褒抑臣又聞父之於子也有嚴訓而無責善
如比賢妃也

君之于臣也有掩惡而復錄功故得一作能各務日新並

從夕改

晉周處傳論曰終能克己勵精朝聞夕改李善文選注曾子曰君子朝有過夕改則與之夕有

過朝改則與之同寘于道不傷其慈儻犯在斯須便遺天性過

當造次遽抵國章則以古以今孰為令子在朝在野誰

曰全臣虛牽復之微言

易牽復吉

失不貳之深旨

見論語

伏惟

陛下侔覆育于天地霽赫怒于雷霆

說文霽雨止也漢魏相傳相心善其言為

霽威嚴注臣霽曰霽止也

復許省勵宮闈早謝師傅蹈殊休於列聖

慰欽矚於兆人臣才則荒涼志惟朴駸

漢息夫躬傳內實駸不曉事師

古曰駸恩也

因緣代業蒙被官榮竊諸侯之土田

詩魯頌曰錫之山川

土田附庸領大將之旗鼓

左傳張侯曰師之耳目在吾旗鼓漢韓信傳信建大將旗鼓鼓行出

井陘當車折檻

漢書薛廣德傳上欲御樓船廣德當乘輿車免冠頓首曰宜從橋詔曰大夫冠

廣德曰陛下不聽臣臣自刎以血汙車輪朱雲傳雲曰臣願賜尚方斬馬劍斬佞臣一人以厲其餘上問誰也

曰安昌侯張禹上大怒御史將合首他人瀝膽刺心李

德林傳天命論云披肝瀝膽李陵正當今日而名非朝

籍三輔黃圖漢宮門各有禁非侍衛通籍之臣不敢妄入務切軍機庾信碑軍機警急道

阻且脩佇立以泣語見龍樓獻直漢書孝成皇帝元帝太子也上常急召太

子出龍樓門不敢絕馳道戴逵之詞翰莫一作聞晉書戴逵字安道性高潔累徵為散

騎常侍不至太元二十年太子太傅會稽王道子少傅王雅詹事王珣上疏曰逵年在耆老清風彌劬東宮虛

德式延事外宜加旌鳳闕拜章張儼之精誠未泯吳錄張儼

命以參僚侍會病卒字子節以博聞多識拜大鴻臚使晉李善文選註張儼請立太子師傳表曰陛下應期順乾作主

干冒

宸極

晉傅咸傳億兆顯顯戴仰宸極

無任隕涕祈恩之至謹遣某官某

奉表陳論以聞

代僕射濮陽公遺表

箋新書王茂元自陳許節度徙河陽討劉稹也李德裕以

茂元兵寡詔王宰領陳許合義成兵援之以河陰所貯兵械內庫甲弓矢陌刀賜之會病以宰無河陽行營攻討使卒贈司徒謚曰威舊書會昌中河北諸軍討劉稹茂元亦以本軍屯天井賊未平而卒

臣某言臣聞螻蟻知雨雖感通於玄天

東觀漢紀永平五年少雨上御

雲臺自以易林占之其繇曰蟻封穴戶大雨將至莊子鴻濛曰玄天弗成

蒲柳望秋必凋華

欽定四庫全書

李義山文集箋註

三二

於厚夜

晉顧悅之傳悅之與簡文同年而髮早白帝問其故對曰蒲柳常質望秋先零左傳楚子曰惟

是春秋寔宵之事注寔厚也

況臣攝生寡要

老子善攝生者陸行

不遇兇虎入軍不避甲兵兇無所投其角虎無

所措其爪兵無所容其刃夫何故以其無死地

將命無

方寒暑頓侵精神坐竭竈乏傳薪之火

莊子指窮以為薪火傳也不知

其盡也餘焰幾何隙無留影之駒

莊子人生天地之間若白駒之過隙

殘光

即盡

徐陵書殘光炯炯慮在昏明

叩心戀闕

後漢耿弇傳元元叩心更思莽朝江淹書昔者

賤臣叩心飛霜擊于燕

忍死

集作命

封章

晉宣帝紀天子執帝手目齊王

地曹植詩顧瞻戀城闕曰以後事相托死乃叫白日而不回

楚辭去白日之昭昭襲長夜之悠悠

望青天而永訣

江淹別賦豈能摹楚離之狀寫永訣之情者乎

臣某中謝臣雖

忝望族

南史王僧辯傳時有安成望族劉敬躬者

本實將家

晉載記石弘字大雅勒之第二

子也勒謂徐光曰大雅惜惜殊不似將家子

自先臣出總郊圻遇任大國靜無

師旅被服元化翱翔盛時遂與季弟參元

柳宗元賀王參元失火書僕自

貞元十五年見足下之文章蓄之者蓋六七年俱以詞場就貢久而不調因以

上書自薦求通干時預試

蜀來敏傳議論干時

芸香作吏

見為安平公表

始筮仕於德宗

左傳畢萬筮仕于晉

瑞節臨戎

周語為摯幣瑞節以鎮之

復分

憂於陛下雖性分有限而忠誠不移

一作磨

固無韓彭為

將之能

見為河南表

實慕趙實散財之義

魏書公令曰昔趙奢實嬰之為將也

受賜千金一朝散之故能濟成大功永世流聲

兩踰嶺嶠四建牙旗

東京賦牙旗續紛薛

綜曰牙旗者將軍之旌古者天子出建大牙旗竿上以象牙飾之按四建牙旗謂嶺南涇原陳許河陽也約

已潔身

後漢書應奉傳曾祖父順為河南尹將作大匠公廉約已明達政事皇甫規傳李膺王暢孔翊

潔身絕甘分少

司馬遷報任安書李陵素與士大夫絕甘分少能得人死力

良田五

頃

南史王悅之傳上以其庶介賜良田五頃以為侍中

慮莫及于子孫厚祿萬鍾

後漢鄺炎傳作詩曰終居天下宰食此萬鍾祿

惠頗霑于賓客恭承詔命以守

藩條而掌事者徒以元和中呂元膺留守東都李師古

當作道
下同
潛謀洛邑託以郡邸入之甲兵臣當時為元膺

賓僚值師古竊發藍衫不脫竹簡仍持因為麾兵虜其

元帥並見陳情表遂以將材相許戎統見期頡頏遐途詩頡頏

之纂修舊服書繡禹舊服光陰荏苒潘岳悼亡詩荏苒冬春謝梁簡文帝詩常惜光

陰移遷授頻仍漢孝成帝紀詔曰大異重仍師古曰仍頻也昨者分領許昌兼

臨河內當上黨阻兵之始左傳衆仲曰阻兵無衆是孽童拒詔之

初箋舊書昭義節度等使劉從諫會昌三年卒大將郭誼等用其姪鎮權領軍務宰相李德裕奏請鎮護喪歸

洛鎮臣方將奮勵疲駕司馬遷書僕雖疲駕亦指麾精

銳

漢陳平傳天下指揮即定矣潘岳關中詩爰整精銳

所冀解鞍赤狄

謂潞州顏延之詩嚴

駕越風寒解鞍犯霜露

息駕晉城

謂太原新書澤州高平郡領晉城縣

大攘蜂蠆之

羣

左傳臧文仲曰君無謂邾小蜂蠆有毒而沉國乎

以雪神人之憤

晉虞悺傳王敦構逆

人神所忽疾

自前月某日後軍聲大振賊勢少衰人一其心

書爾尚一乃心力其克有敷

士百其勇

南史韋睿傳人百其勇

驚領有相曾無

定遠之期

後漢班超傳相者指曰生燕頤虎頭飛而食肉此萬里侯相也

馬革裹尸實

負伏波之願

見下祭文

而精誠靡著素心

集作志望

見違援桴之

意方堅

桴通作枹左傳卻克左并轡右援枹而鼓馬逸不能止

就木之期俄及

左傳

季隗曰吾二十五年矣
又如走而嫁則就木焉
忽自今月某日疾生腹臍弊及

筋骸藥劑之攻擊愈深神祇之禱祠無益

顏延之陶徵士誄藥劑弗

嘗禱祠

固已騰名鬼錄

魏文帝書觀其姓名已為鬼錄

收氣人寰

漢五行志

聖人為之宗廟以收魂氣鮑昭舞鶴賦歸人寰之宣卑

復然無望于死灰

漢韓安國傳獄

吏田甲辱安國安國曰死灰獨不復然乎

更起難同於仆樹

漢昭帝紀元鳳三年春上林有

柳樹枯僵自起生

然臣素窺長者曾慕達人

左傳聖人有明德者若不當世其後

必有省知變化之端

易知變化之道者其知神之所為乎

龐識死生之理

易原始反終故知死生之說

豈具有貪富貴敢冀長延但以未報國

恩未誅賊黨視胄長免

左傳葉公免胄而進

對弓莫彎

孟子越人關弓而射

之闕與

思犬馬以自悲

漢趙充國傳犬馬之齒七十六為明詔填溝壑死骨不朽

悼

鐘漏之先迫

魏志田豫答司馬宣王曰年過七十而居位譬猶鐘鳴漏盡而夜行不休也

志

有所在傷如之何撫節而乏淚以流

劉琨扶風歌淚下如流泉

伏弋

而無血可略

晉語鐵之戰趙簡子曰鄭人擊我吾伏弋略血鼓音不衰注面汚血曰略

臣某

中謝

其行營三軍已舉牒差某官某河陽留務差某官某

懷州留務差某官某訖並皆授之方略

漢趙充國傳願馳至金城圖上

方各有司存

見論語

至於

集作竊計

旬日

晉書阮籍傳旬日而還

必無逗

撓

漢書廷尉王恢逗撓當斬注
逗曲行避敵也撓顧望也

臣又伏思任司農大卿

之日授忠武統帥之時紫殿承恩彤庭入對

漢成帝紀
永始四年

春正月行幸甘泉郊泰畤祥光降集紫殿謝
眺直中書省詩紫殿肅陰陰彤庭赫宏敞

躬瞻堯日

親沐舜風

並見前

獲睹陛下神武之姿

易古之聰明睿智
神武而不殺者夫

獲聞陛下憂勤之旨即北蕃小寇

謂曰

東土微妖

一作戎謂

劉亦何足煩陛下之甲兵汙陛下之鈇鑕

見為河南
盧尹表

伏

願時推明略

魏志武帝紀評曰
惟其明略最優也

光闡睿圖

見為河南
南表

內則

收德裕

李德裕見太
尉衛公序

讓夷

李讓夷舊書李讓夷字達心
隴西人德裕秉政歷中書侍

郎同平 紳 李紳舊書李紳字公垂潤州無錫人本山東
章事 紳 著姓會昌元年守僕射平章事復出為淮南

節 鉉 崔鉉舊書崔元略博陵人子鉉字台碩畧遷
度 鉉 戶部侍郎承旨會昌末以本官同平章事 之嘉

謨外則任彥佐 李彥佐舊書武宗紀會昌三年九月以
徐泗節度使李彥佐為澤潞西面招討

使以陳許節度使王宰充澤潞南面招討使王茂元卒

王宰代總萬善之師十二月王宰奏收天井關四年八

月王宰傳稹首 元達 王元達舊書王元達廷湊子也起

露布獻於京師 復鎮州大都督府長史成德軍節

度使詳為 宰 王宰新書王晏宰後去晏獨名智興次子

河南表 也累擢邠寧慶節度使徙忠武軍宣宗初

進少 沔 劉沔舊書劉沔許州牙將也 之威力廓清華夏

傳辛 沔 移北京留守詳為河南表

昭薦祖宗然後瘞玉勒成 桓譚新論修封泰山瘞玉岱
宗東都賦封岱勒成儀炳乎

世縷金垂烈劉峻廣絕交論聖賢縷金版而錫盤孟善曰太公金匱云屈一人之下申萬人之上

著金版武王曰請臣雖百死後漢第五倫傳疏曰雖遭百死不敢擇地復何恨焉臣

精爽已虧左傳心之精爽是謂魂魄言辭失次晉王濬傳疏曰拜表流汗言不識次氣

無復續蒙以續而莫勝禮記喪大記曰屬續候氣絕口不能言飯用

貝而何益穀梁傳貝王曰含春秋說題辭口實曰含象生時食也天子以珠諸侯以玉大夫以璧士

貝一作故國一作千里明君萬年永捐覆載之恩長入幽冥

之路張衡思立賦矧幽冥之可信後漢馮衍傳歎曰修道德于幽冥之路殘魂不昧雖溫

序之思歸後漢書溫序為護羌校尉行部至襄武遇賊死節主簿韓遵等持尸歸斂光武憐之賜葬

洛陽城旁注長子壽為鄒平侯相夢序告之曰久
客思鄉里壽上書乞骸骨歸葬帝許之乃返舊塋枯骨

有知遇杜回而必亢

見下為王侍御表

迴望昭

一作聖

代哀號不

能無任荒愒攀戀之至謹奉表代辭以聞

代彭陽公遺表

箋舊書令狐楚傳楚字穀士自言國初十八學士德棻之裔太和九

年守尚書左僕射進封彭陽郡開國公開成元
年檢校左僕射興元尹充山南西道節度使二
年十一月卒於鎮年七十二冊贈司空謚曰文
楚疾甚召從事李商隱曰吾氣魄已殫情思俱
盡然所懷未已強欲自寫聞天恐辭語乖舛子
當助我成之令狐德棻傳德棻宜州華原人隋
鴻臚少卿熙之子也先居燉煌代為河西右族
今按新書宰相世系表令狐氏世居太原漢建

威將軍邁與翟義起兵討王莽兵敗死之三子伯友文公稱皆奔燉煌伯友入龜茲文公入疏勒稱為故吏所匿遂居敦煌其後有周御正中大夫彭陽襄公賜姓宇文氏生熙隋吏部武康公熙曾孫元超撫寧令元超生濬上邽令濬生崇亮昌明令崇亮生承簡太原府功曹參軍承簡生楚相憲宗然則楚與德業雖同出於熙而各為一派舊書云楚自言德業之裔誤也漢地理志燉煌郡有效穀縣安定郡有彭陽縣匈奴傳單于入朝那蕭關遂至彭陽師古曰即今彭原縣是其故城在今陝西平涼府鎮原縣東八十里也周封令狐熙之父於此唐無彭陽其封楚蓋仍其先世之舊號耳

臣某言臣聞達士格言以生為逆旅

莊子悲夫世人直謂物逆旅耳古

者垂訓謂死為歸人

列子晏子曰古者謂死人為歸人

苟得其終何怛

於化

莊子子來有病喘喘然將死其妻子環而泣之子犁往問之曰叱避無怛化

臣永惟際

會獲遇昇平

漢梅福傳升平可致注張晏曰民有三年之儲曰升平昇與升通

鐘鼎之

勲莫彰

庾信徵調曲功烈則鐘鼎俱銘

風露之姿先盡雖無逃大數亦

有負清朝

後漢史弼傳使臣得于清朝明言其失

今則舉續陳詞對棺忍

死白日無分玄夜何長

並見前劉楨詩遺思在玄夜

淚兼血垂

說苑下蔡

威公閉門而泣三日三夜泣盡而繼以血

目與魂

一作雲

斷

江淹恨賦一旦魂斷宮車晚出

臣

某

中謝

臣早緣儒學得廁人曹克紹家聲

司馬遷書李陵既生降隤

其家聲 不虧士行詩士氣其行 詞賦貢名於宗伯書檄應聘於

諸侯東汎西浮

謝眺箋東泛三江西浮七澤

南登北走時推倚馬

學林

桓溫南征鮮卑喚袁宏倚馬前作露布文手不輟筆

人或薦雄

漢揚雄傳自序云大司馬車騎將軍

王音奇其文雅薦雄待詔長楊賦序孝成帝時客有薦雄文似相如者召雄待詔承明之庭善曰雄答劉歆書

曰雄作成都城四隅銘蜀人有楊莊者為朗誦之於成帝以為似相如雄遂以此得見舊書今孤楚傳家世

儒素兒童時已學屬文弱冠應進士貞元七年登第桂管觀察使王拱愛其才以禮辟召楚以父掾太原有庭

闡之戀不應李說嚴綬鄭儋相繼鎮太原高其行義皆辟為從事自掌書記至節度判官歷殿中侍御史楚才

思俊麗德宗好文每太原奏至能辨楚之所為頗稱之鄭儋在鎮暴卒不及處分後事軍中喧嘩將有急變中

欽定四庫全書

李義山文集箋註

卷二

二十八

夜十數騎持刀迫楚至軍門諸將環之令草遺表楚在白刃之中搦管即成讀示三軍無不感泣軍情乃安自是聲名

西掖承榮

謂徵拜右拾遺劉楨詩隔此西掖垣善曰洛陽故宮名云洛陽宮有東掖

門西掖門得以言之無罪

詩序言之者無罪聞之者足以戒

曲臺備位

謂改太常

博士漢書翼鳳傳未央宮有曲臺殿漢官儀大射于曲臺漢藝文志曲臺后蒼九篇如淳曰行禮射于曲臺后

蒼為記故名
曰曲臺記
麤明物有其容

東京賦春日載陽合射辟雍設業設虞宮懸金鏞鼓

鼓路鼗樹羽幢幢於
是備物物有其容

永謂才難

見論語

便叨郎選

謂選禮部員外

郎振衣華省

陸機詩振衣獨長想潘岳秋興賦獨展轉于華省

歷履名曹高步

內庭光揚密命

晉宗室傳仰豫密命箋新書令狐楚傳憲宗時累擢職方員外郎知制誥其

為文於牋奏制令尤善
每一篇成人皆傳誦

憲宗皇帝以臣行多餘力

見論語

忠絕它腸

漢衛綰傳上以為廉忠實無它腸乃拜綰為河間王太傅

進無所因靜以

有立過蒙顧問

韓書外傳周公無所顧問

深降褒稱乃於同列之中

獨許非常之拜

箋楚與皇甫鏘蕭俛同年登進士第元和九年鏘初以財賦得幸薦俛楚俱入

翰林充學士遷職方郎中中書舍人皆居內職

殊恩既浹當路相排

漢京房傳為眾所排

旅翮未高

謝眺箋渤海方春旅翮先謝

孤根已動

晏子春秋魯昭公曰吾少之時內無

拂而外無輔譬之猶秋蓬也孤其根而美枝葉秋風至根且拔矣

河潼為郡盟津統師

箋元和十三年四月出為華州刺史十月為河陽懷節度使

溺以待援

見孟

痿而念

欽定四庫全書

李義山文集箋註

卷二

二十九

起

漢韓王信傳僕之思歸如痿人不忘起盲者不忘視

箋時

方用兵淮西言事者以師久無功宜宥賊罷

兵唯裴度與憲宗志在殄寇李逢吉與度不協與楚相

善十二年夏楚草度淮西招撫使制不合度旨度請改

制內三數句憲宗方責度用兵乃罷逢吉相任亦罷楚

內職守中書舍人十三年四月出為華州刺史十月皇

甫鐔作相以楚為

河陽懷節度使

憲宗旁

集作講

求輔相既

一作即

記姓名

果遣急徵

漢鮑宣傳急徵故大司馬傅喜

仍加大用

漢魏相傳丙吉予相書曰朝廷已深

知弱翁治行方且大用矣

箋元和十四年七月

戴君

裴度出鎮太原皇甫鐔薦楚入朝拜同平章事

之力雖弱許國之誠在茲

晉周總傳司徒王導議札與臣等便以身許國

實有

微衷可俾玄化

曹植責躬詩玄化旁流

況初誅背叛

謂平吳元濟

務活

疲羸

後漢段熲傳屯結不散人畜疲羸

方伏奏於鳳宸之前

周禮掌次設皇卿注

謂後板屏風染羽象鳳凰羽色以為之

忽庀徒于鳥耘之次

王少頭庀寺碑庀徒揆日

各有司存左傳官庀其司

庀具也帝王世紀禹崩于會稽因葬會稽山陰縣之南今山上有禹塚井祠下有

羣鳥耘田

箋新書穆宗

小吏抵罪

漢酷吏傳坐法抵罪

邪臣結

謀

後漢彭寵傳會上谷太守耿況亦以功曹寇恂詣寵結謀

指之有名嘿不得訴空

甘罪戾仰托聖明粗得生還

後漢班超傳妹昭上書勾超餘年一得生還

幾

臨死所

左傳狼睥曰吾未獲死所月憲宗崩詔楚為山陵使兼撰哀冊文時皇甫

箋元和十五年正

鏹貶崖州物議以楚因鏹作相而遂裴度羣情共怒以蕭儔之故無敢措言其年六月山陵畢會有告楚親吏

賊汙事發出為宣欽觀
察使俄貶衡州刺史

其後官移督護

玉臺新詠有宋孝武帝丁督護

歌四年不謁于承華

初學記太子之門曰承華

任改察廉

即廉察以聲病倒用

非舉孝察
廉之謂

一日暫留于分陝

見為京兆公表

欲舉而墜將安更

危

箋長慶元年四月量移郢州刺史遷太子賓客分司東都二年十一月投陝州大都督府長史兼御史大

夫陝號觀察使制下旬日諫官論奏言楚所犯非輕未合居廉察之任上知之遽令追制時楚已至陝州視事一日矣復投賓客歸東都

賴敬宗皇帝續乃丕圖是思

求舊

書遜任有言曰人惟求舊

振于洛宅

謂尹河南召詰太保朝至于洛宅卜

榮彼夷

門

謂鎮宣武史記信陵君傳太史公曰吾過大梁之墟求問其所謂夷門夷門者城之東門也

自茲

以來敢虛其遇周旋五經鎮守惟切分憂前後兩歸闕

庭皆非久次

漢孔光傳竊見國家故事尚書以久次轉遷非有蹕絕之能不相踰越 箋按五經

鎮守宣武節度一東都留守二天平節度三河東節度四山南西道節度五也兩歸闕庭謂自宣武入為戶部尚書自河東入為吏部尚書也 未幾即出故曰皆非久次 拙直不同于衆讒毀每集

其躬含意未宣

古詩齊心同所願含意俱未申

救過不暇

漢酷吏傳九卿奉職救過

不 伏思自長慶厥後開成之前凡幾忝遷昇幾遭退斥

若非不欺天地不負君親至于幾微尋合顛隕伏惟皇

帝陛下道超覆載仁極照臨既委鹽鐵又分端揆

晉陸華等

傳論曰迭居端揆

逮今控壓亦在重鎮

箋新書楚以吏部尚書進拜左僕射會李訓亂

草詔以王涯賈餗冤指其罪不切仇士良等怨之始帝許相楚乃不果更用李石而以楚為鹽鐵轉運使時政在宦豎數上疏辭位陛下之恩微臣何益微臣之節陞拜山南西道節度使

下方知興言及斯碎首殊晚

漢杜鄴傳禽息憂國碎首不恨注應劭曰禽息秦大

夫薦百里奚而不見納繆公出當車以頭擊闌腦乃播出繆公感悟而用百里奚秦以大治

然臣從

心之年已至致政之禮宜遵

禮記大夫七十而致仕

尋欲拜章以

求歸老伏以諸道節制頻歲更移

後漢趙孝王良傳頻歲來朝

其於

送迎例多積累

漢王霸傳霸曰數易長吏送故迎新之費及姦吏緣絕簿書益財物公私費耗

甚多臣在此雖無一毫侵損亦無纖介一作芥誅求後漢實融傳皆

以底裏上露長無纖介左傳介于大國誅求無時帑藏甚殷晉范甯傳帑藏空匱倉儲可

羨特緣行李忍過秋冬而江山之氣候難常北史王顏傳氣候殊

不佳蒲柳之蕭衰易見見代僕射表自夏則膝脛無力入冬則

又集作腸胃不調對冠冕而始訝儻來莊子軒冕在身非性命也物之儻來

寄指墓墳而已知息處列子晏子曰善哉古之有死也仁者息焉昨某日一作

今日臣已召男國子博士緒緒歷隨壽汝三郡刺史左

補闕綯緒弟綯字子直襲封彭陽男相宣宗輔政十年累官至吏部尚書右僕射進封涼國公後改封

趙國公左武衛兵曹參軍綸等綸世系表作緘字識之示以致期戰

策譚拾子曰事遺之理命治命見為王侍御表使內則雍和私室

外則竭盡公家無約其送終務遵儉約集作所務遵儉南史到溉傳臨

終勒子孫薄葬之禮勿為從俗韓詩外傳從俗為善漢兩龔傳勝因敕以棺斂

喪事衣周于身棺周于外勿隨俗動吾冢種柏作祠堂後漢鄭興傳興曰興從俗者也以致慮居

禮記喪不慮居毀不危身為喪不慮至某一作至十二日夜有僕

居為無廟也毀不危身為無後也

大告臣云大星隕地雅當正室洞照一庭臣即端坐俟

時正辭無撓箋楚卒前一日謂其子緒綯曰吾生無益于人勿請謚號葬日勿請鼓吹唯以布車

一乘餘勿加飾銘誌但志宗門秉筆者無擇高位當殽之夕有大星貫于寢室之上其光燭庭楚端坐與家人告訣言已而終嗣子奉行遺旨詔鹵簿宜停易名須準舊例臣之年亦極矣臣之榮

亦足矣以祖以父皆蒙褒寵有弟有子並列班行

新書世系

表楚弟從檢校膳部郎中舊書楚弟定字履常桂管觀察等使全腰領以從前人

禮記文子

曰是全要領以從先大夫于九京也歸體魄以事先帝

禮記體魄則降

此不自達

誠為甚愚但以將掩泉局

庚信銘移燈泉局

不得重辭雲陛

謝眺

詩十載朝雲陛更

一作重

陳尸諫

家語孔子曰古之列諫者死則已矣未有如史魚死而尸諫

猶進瞽言

漢谷永傳瞽言觸忌諱

雖叫呼而不能

左傳衛侯夢于北宮見人登昆

吾之觀被髮北面而諫曰
余為渾良夫叫天無辜

豈誠明之敢忘

去聲

伏惟皇帝

陛下春秋鼎盛

南史孔英傳皇太子春秋鼎盛

華夏鏡清

文選東都賦百姓滌瑕蕩

穢而鏡至清善曰淮南子鏡太清者視大明

是修教化之初當復理安之始

然自前年夏秋以來貶譴者至多誅僇者不少

新書時以甘露

事誅譴者衆

伏望普加鴻造稍霽皇威歿者昭雪以雲雷存

者沾濡以雨露

揚雄長楊賦莫不沾濡

使五稼嘉熟

晉傳咸傳縱使五稼普收

僅足相接兆人樂康

屈原九歌君欣欣兮樂康

用臣將盡之苦言

史記商君傳苦

言樂也甘言疾也

慰臣永蟄之幽魄

關尹子明魂為神幽魄為鬼箋按楚既召商隱屬

其助成遺表即秉筆自書曰云云此篇自以祖至幽魄全用其語

臣某云云臣當道兵

馬已差監軍使竇千乘勾當其節度留務差行軍司馬

趙祝觀察留務差節度判官杜勝訖

見為安平公表

有舊規模

無新革易悉

集作必

當輯睦

左傳隨武子曰卒乘輯睦

決無謹驚

北史齊神

武諸子傳渙聞宮中謹驚曰大兄必遭難矣

臣心雖澄定

曹植七啓澄神定靈

氣已危

促辭多逾切鳴急更哀

見論語

升屋而三號豈來

禮記喪大記曰

復者朝服皆升自東榮中屋履危北面三號卷衣投于前

赴壑而一去無返

山海經海曰大

堅古樂府詞百川東到海何時復西歸

忠誠直道竟埋沒於外藩腐骨枯

骸

晉劉琨傳琨收葬枯骸

空歸全於故國

禮記樂正子春曰父母全而生之子全而歸之

迴望昭代無任攀戀永訣之至謹奉表代辭以聞臣某

誠號

集作哀

誠咽頓首頓首

代安平公遺表

箋舊書文宗紀太和八年五月丙申充海觀察使崔戎卒詳見謝除

表

臣某言臣聞風葉露華榮落之姿何定夏朝冬日短長

之數難移臣幸屬昌期謬登貴位

集作仕左傳有大功而無貴位其人能靖

者與有幾行年五十五歷官二十三念犬馬之常期死亦非

天奈君親之厚施生以無酬是以時及含珠

莊子儒以詩禮發冢

小儒曰詩固有之生不布施死何含珠為

命餘屬續

見代漢陽公表

心存向闕手尚

封章撫躬而氣息奄然

後漢梁節王暢傳誠無氣以息

戀主而方寸亂矣

蜀志徐庶母為操所獲庶辭備指其心曰方寸亂矣

臣某

中謝

臣少而羈紲

魏志孫盛

曰豈名器之所羈紲

長乃遭逢常將直道而行實以明經入仕王

畿作吏非州府之職徒勞

後漢梁竦傳嘗太息曰閒居可以養志詩書足以自娛州

郡之職徒勞人耳

侯國從知媿軍旅之事未學

見論語

憲宗皇帝

謂臣剛決

隋劉方傳性剛決有膽氣

擢以憲司穆宗皇帝謂臣才能

漢書淳于長以材能為九卿

登之郎選

漢王莽傳公孫戎位在充郎選

忝霜威而無

所推拉歷星紀而有紊次躔旋屬皇帝陛下大明御宇

至道承乾澄汰之初臣不居有過超擢之際

漢金日磾傳鄴邯勅

奏欽曰欽幸得以通經術超擢

臣獨出倫常高選掖垣箴規未效入居

瑣闥論駁無聞自去年秋來典河關無臨甸服惟當靜

而阜俗清以繩姦

晉劉毅傳疏曰官政無繩姦之防

麤致豐穰

後漢鮑昱傳唯

南陽豐穰

幸逃逋責

任昉表四海之議子何逃責

豈意陛下謂臣奄有三

縣未稱其能謂臣出以一麾未足為貴爰降綸綍

禮記王言

如絲其出如綸王移之藩方錫以海隅與之岳鎮將吾

君之驍果萬計

晉謝玄傳何謙戴遠並驍果多權畧

使得總齊

韋孟諷諫詩總齊羣

邦以翼大商

聯吾君之牧伯三人

書外有州牧侯伯

以居巡屬時雖

相羨臣實深憂既屬聖恩果遭鬼瞰

揚雄解嘲高明之家鬼瞰其室

況

臣素無微恙未及大年

莊子小年不及大年

方思高掛饋魚

後漢書羊

續為南陽太守府丞侯儉貢鯉續受而懸之一歲儉復致一枚續乃出所懸枯魚示之以杜其意

不然

官燭

謝承後漢書已祇為揚州刺史與客坐間中不然官燭

成陛下比屋可封之

化

後漢楊終傳堯舜之民可比屋而封

分陛下一夫不獲之憂

書一夫不獲則曰時

予之志願未伸大期俄迫南史王或傳詔曰若乃吉忽

自某一作今夜暴染霍亂并兩肋氣注當時檢驗方書

漢張蒼傳主煎和藥物左傳盡心力以事君舍藥物可也百計療理一

無痊除至於某日一作十一日辰時轉加困劇漸不支持想彼孤

魂漢貢禹傳骸骨棄捐孤魂不歸已游岱岳劉楨詩常恐游岱宗不復見故人張華博物志泰山

天帝孫也念茲二豎徒訪秦醫左傳晉侯疾秦伯使醫緩視之未至夢疾為二

豎子曰居育之上膏之下若我何醫至曰疾不可為也

在育之上膏之下攻之不可達之不及藥不至焉不可也對印執符漢韓信傳漢王即其卧奪其印符碎心殞首李密陳情表臣生當隕首

人之到此命也如何戀深而乏力以言泣盡而無血可

繼臣某誠哀誠戀頓首頓首臣當道三軍將士準前使

李文悅例差監軍使元順通勾當訖臣與順通近同王

事備見公才

晉虞驤傳孔愉有公才而無公望

假之統臨必能和協

左傳

鄭伯曰寡人有弟不能和協

其團練觀察兩使事差都團練巡官盧

涇勾當訖臣亦授之方略示以規模伏惟聖明不致憂

軫臣精神危促言詞失

英華作爽

錯行當窮塵埋骨

鮑昭燕城賦莫

不埋魂幽石委骨窮塵

枯木容身

鄒陽書枯木朽株南史姚察傳道命薄葬以松板薄棺纔可容

身螻蟻卜鄰

莊子在下為螻蟻食陸機輓歌詩豐肌饗螻蟻妍姿永夷泯左傳諺曰非宅是卜惟

鄰是烏鳶食祭

爾雅鳶鳥醜其飛也翔史記田單傳乃令城中人食必祭其先祖于庭中飛鳥

悉翔舞城中下食

黃河兩曲

謂西河南河

長安幾千

梁元帝賦平原如此不知道路

幾生入舊關望絕班超之請

後漢班超傳超久在絕域年老思歸乃上疏曰臣不

敢望到九泉耶但願生入玉門關

力封遺奏痛深來歎之辭

後漢來歎傳自書表

曰臣夜入定後為何人所賊中臣要害投筆抽刀而絕

迴望昭代不勝荒悵眷戀

之至謹差某奉表代辭以聞

為王侍御瑾謝宣帛并賻贈表

箋舊書會昌三年河陽節度使王茂

元會討劉琰以本軍屯天井賊未平而卒瓘其子也

草土臣瓘言

晉禮志詔曰每歲念幽冥而不得終直經於草土

今月某日某官

呂述某官任疇等至奉將聖旨以臣父某官某亡歿賜

弔臣等並賻贈臣亡父布帛三百匹米粟三一作二百石

者大夜銜輝

庾信碑爰在盛年先從大夜

窮泉漏澤

潘岳哀永逝文襲窮泉兮朽壤

以隕以越

左傳齊侯對曰恐隕越于下以貽天子羞

終哀且榮

劉勰文心雕龍誄之為制

蓋選言錄行傳體而頌文榮始而哀終

臣某中謝

臣先臣某託體元侯元

謂棲曜後漢盧芳傳疏曰臣芳過託先帝遺體箋栖曜貞元初拜左龍武大將軍出為鄜坊節度使卒贈尚

書僕射

策名任子

左傳策名委贄二乃辟也漢王吉傳吉言今使俗吏得任子弟率多驕驚不通

方今宜明選求賢除任子之令

象賢傳劍

並見前

餘力攻書歷七朝而在

公

七朝謂德順憲穆敬文武也詩夙夜在公

秉二道而非墜

見論語謂初以詞場就貢後以

將材相許也

氛興赤狄兵聚晉城先臣受敵

一作律

臨戎

後漢耿秉

傳秉厲聲曰受降如受敵遂馳赴之

忘家徇衆

史記司馬穰苴傳將受命之日則忘其家士卒

均食

漢李廣傳廣歷七郡太守前後四十餘年得賞賜輒分其戲下飲食與士卒共之

因愧於

前修

離騷蹇吾法乎前修

廊廡散金

漢竇嬰傳嬰為大將軍所賜金陳廊廡下軍士過輒令財

取為用

遠齊乎舊說上憑王略

左傳侵敗王畧

下振軍威

隋庾質傳慮損

軍威旬月之間慶捷相繼並親桴三鼓見為榮陽公表躬運九章

管子一曰舉日章則晝行二曰舉月章則夜行三曰舉龍章則行水四曰舉虎章則行林五曰舉鳥章則行陂六曰舉蛇章則行澤七曰舉鵠章則行陸八曰舉狼章則行山九曰舉韓章則載食而駕如臣兄弟

皆冒矢石

左傳荀偃士句率卒攻偃陽親受矢石滅之

豈意竒功垂立大願

莫從傳食失時

漢韓信傳令其裨將傳食曰今日破趙會食注如淳曰小飯曰餐師古曰餐古

飡字音千安反

絡血成疾

見遺表

奄至凋落

晉謝玄傳凋落相繼

長遠盛明

此皆由臣等抱釁既深

曹植表臣自抱釁歸藩刻肌刻骨

就養無素

禮記

左右就養無方

遂延家難

詩未堪家多難

仰惻宸襟止

一作尚

偷生于晷

刻

晷謂日景刻謂漏刻

亦何顏於天地伏惟皇帝陛下悼深撫几

晉書司隸劉毅卒武帝撫几驚曰失吾名臣不得生作三公

悲軫聞輶

禮記聽鼓輦之聲則思將

帥之

降憫惻于上公

書微子之命庸建爾于上公左傳蔡墨曰五行之官實列受氏姓封

為上

厚賻禮于遺體

公羊傳車馬曰賻貨財曰賻衣被曰槨禮記身者父母之遺體可不

敬

昔魏優死事止分食邑之餘

魏太祖紀建安七年令曰舉義兵以來將士絕

無後者求其親戚以後之授土田官給耕牛置學師以教之為存者立廟使祀其先人

漢養孤兒

但有羽林之聚

漢百官公卿表武帝取從軍死事之子孫養羽林官教以五兵號羽林孤兒

方於今日惟媿推恩叫號失容

詩或不戴履無所左傳知叫號

夫三拜稽首曰君軍前結草必自于幽靈

左傳魏武子有嬖妾武子

疾命穎曰必嫁是及卒穎嫁之及輔氏之役穎見老人結草以亢杜回回躓而顛故獲之夜夢之曰余爾所嫁

婦人之父也爾用先人之治命余是以報石上澆松敢忘於遺訓

北堂書鈔烈士傳曰

干將為晉君作劍三年而成劍有雌雄天下名器也以雌劍獻君留其雄者謂妻曰吾藏劍在南山之陰北山之陽松生石上劍在其中君若覺殺吾爾生男以告之及君覺殺干將妻後生男名赤鼻具以告之赤鼻斫南

山之松得劍

無任感恩荒殞之至

為令狐博士緒補闕絢謝宣祭表

箋舊書開成二年十一月山南

西道節度使令狐楚卒於鎮緒絢皆其子也

草土臣某言今月某日中使某至奉宣恩旨致祭臣亡

父贈司空臣某者存沒願終榮哀禮備荒迷觸地

呂氏春秋

黎丘丈人之
子泣而觸地

號叫瞻天臣某中謝

臣先臣某生遇昌期

早司國柄

說苑楚令尹子文
曰執一國之柄

沒留懿德上惻宸襟特降

王人

春秋莊公六年王人子哭
救衛注王人王之微官也

迂臨私第

南史齊宗室
傳私第展哀

陳其醢爵

禮記明堂位曰爵夏后氏以琖殷以斚周以
爵說文醢爵也一曰酒濁而微清也按醢與

琖別說文混而為
一後人遂承其誤

潔之豆登

詩邶威于豆于豆于
登傳木曰豆瓦曰登

招遺

魄於幽陰旋歸莫覩視殘生於晷刻報効無期臣等無

任戴恩荒殞之至謹附中使某奉表陳謝以聞



李義山文集箋註卷二